



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Sy 20.270



Harvard College Library

THE GIFT OF
STEPHEN SALISBURY,
OF WORCESTER, MASS.

(Class of 1817.)

6 May, 1897.

1556

PHAEDRI

FABVLAE AESOPIAE.

IN USUM SCHOLARUM SELECTAS

RECOGNOVIT

J. M. STOWASSER,

GYMNASII FRANCISCO-JOSEPHINI VINDOBONENSIS PROFESSOR.

VINDOBONAE ET PRAGAE

LIPSIAE

SUMPTUS FECIT F. TEMPSKY | SUMPTUS FECIT G. FREYTAG

BIBLIOPOLA ACADEMIAE LITTERARUM CAESAREAE VINDOBONENSIS

MDCCCLXXXIII.

L. 20.270



Salisbury fund.

PRAEFATIO.

Cum mihi bipliopola honestissimus Phaedrianarum fabularum uoluminis edendi provinciam mandasset, inprimis id agebam, ut quaecumque iuuenili legentium aetati minus apta essent reciderem, deinde ut pro ingenio mei tenuitate emendatiora procederent haec poemata non inlepida et doctorum uirorum magis incuria quam iniuria temporum deprauata. Ac sane multa cum sint, quae in textu constituendo nouanda credebam, tamen quoniam usquequaque librorum manu scriptorum uestigia secutus sum, hanc meam opellam lectoris probatuiri sperauerim. Atque ea quidem — quisquiliis neglectis — hic in uno conspectu posui.¹⁾

Prol. 6 adeo res Σ : arbores ω sine sensu, cum arbores nullibi loquantur apud Phaedrum, uerumtamen inanima ut lima IV 8.

I 2, 20 lignum superque *Hartelius*: lignumque super ω . I 5, 7 dominor quia [uobis] leo Σ nominor quia leo ω . I 5, 8 secundam quaestum sortis tribuetis mihi Σ praeunte *Gomperzio*, qui 'mea cum sors sit' coniecerat: s. quia sum fortis ω ; sed apud Babrium 67, 5 sq. haec exstant: βασιλεὺς γὰρ εἰμι· λήψομαι δὲ κἀκείνην ὥς ἐξ ἴσου κοινωνός.²⁾ Porro I 9, 3 fletus [in]ridens graues Σ fletus sedens g. *P*, de *R* non satis constat; quae conieci, defenduntur uersu 9: nostra inridebas mala. I 9, 8 mortis en solatia *Heinsius*: in solatio ω . I 10, 5 se esse culpae

¹⁾ Siglorum explicatio: *P* = cod. Pithoeanus, *R* = cod. Remensis, *V* = cod. Vaticanus, *N* = Neapolitanus, ω = codices. Mea ipsius inuenta Σ Graeco significabam; quae uncis inclusa leguntur, additamenta sunt partim aliorum, partim mea.

²⁾ Nisi audacius foret, libenter scriberem 'secundamque isum sortis tribuetis mihi' recepta sane Graeca uoce ἴσον.

noxiam Σ proximam ω ; nota loquendi formula ex Tacitino sermone. I 11, 8 novoque turbat bestias minaculo Σ miraculo ω sed inepte; nam asinum oncare certe nihil 'mirum' est, attamen nouum et inusitatum erat pro terriculo hac asinina oncatione uti vel potius, ut poëtae placuit pro 'minaculo', quod unice rectum esse arbitror, etsi huius uocis alias nec uola apparet nec uestigium. I 12, 14 ut illa mihi profuerint Σ cum *PR*, quibus tamen satis peruerse 'quam' intrusum est. I 13, 2 fere (= plerumque) dat poenas Σ cum *PR*; neque enim hic de seritate sed de certitate poenae sermo est. I 13, 10 dimisit *Hartelius*, emisit ω . I 13, 13 ingenium quantum leuet uirtutem Σ cunctanter; ualet uirtute ω . I 14, 8 i. m. a. s. t. *R*, ibidem 11 medicum *PR Hartelius*. I 15, 1 ciuium ω , ibid. 2 nil praeter dominum, non res Σ domini mores ω . I 16, 1 sponso Σ : sponse ω ; ubi sponsum substantiui uice fungitur sicut apud Ciceronem Quinct. 32. Ibidem 2 mala indere *Hartelius*: mala uidere ω . I 20, 6 periire ibi Σ ibi periire ω . I 22, 12 imprudentibus Σ ex ω . I 24, 5 an bove esset flatior Σ : latior ω sine sensu, si uersum 8. respexeris et locum Petronii addideris c. 45 unus alicuius flaturae fuit Thraex. I 25, 5 ex libris nouum uersum intuli: otio// sed póta accede Nili temere; at sédulo Σ otius pota accede noli timere sedulo ait at *PR*. Nota, quod alibi substantium neutri generis 'potum' (= potus, potio) non inueniatur; est autem idem dicendi genus, quod habes I 16, 1 sponso coll. I 1, 8 ad meos haustus. I 28, 5 prosecuta *L. Müllerus*, persecuta *PR*, ibid. 10 hosti dolorem . . . mittens Σ miscens ω , ibid. 12 reddidit *L. Müllerus* deteriores fontes secutus, tradidit *PR*.

II 1, 5 narrantis *Graeuus*, narrandi ω . Ibid. 11, 12 lector accipiat uelim sic[ut] rependet illi *Hartelius* ex *PR*. II 5, tit. TIBERIUS CAESAR Σ ITEM CAESAR ω . Ibid. 16 iactans officium choae Σ (= τῆς χοῆς, fundendi) cum accepta sint Phaedro nomina Graecanica: come ω metro aduersante. Ibid. v. 20 sqq. uersuum ordinem immutauit Σ praeuente *Hartelio*, praeterea v. 21 ubi putauit Σ , ut putauit *PR*. II 7, tit. sectores Σ (cf. sectores illos sonarios apud Plautum) uectores *PR*, quod uulgo pessime commutant in: raptores. Ibid. 4 ille oncat diues Σ : ille onere diues *PR* structura impeditissima. II 8, 11 nil adeo *Hartelius* ideo ω . II fin. 3 patere scirent nomini (= gloriae) ut cuncti uiam Σ : patere homini s. u. c. u. *PR*. Ibid. 12 ad aures peruenit suas (= idoneas) *Hartelius*, tuas ω . Ibid. 15

rabulis *Baehrensii*: ab illis ω . Ibid. 17 ne quicquam possent, ni meliores carpere Σ : nec ω possunt R possint P nisi ω , ceterum uersum ab aliis haud recte exturbatum tutatus est *Zornius*.

III init. 22 et laude inuita[nte] hanc in uitam incubuerim *Hartelius*: inuita u. i. h. ω . Ibid. 38 ego illius pro semita feci uiam Σ : ego porro illius ω . Ibid. 39 et conceitauit Σ : cogitauit ω . Ibid. 52 Scythes Σ Scythae ω . III 2, 1 a respectis Σ : despectis ω . III 6, 9 nam ubi Σ cum PR ; namque ea quae *L. Muel-lerus* de synizesi in hac uersus sede non admittenda protulit, ea neque aliis neque mihi persuadere poterit. III 7, 3 dein salutant inuicem *uulgo* et nuper *Hartelius*: salutantes PR . Ibid. 25 age si quo abire V . Ibid. 27 saginari nolo ut liber Σ praeceunte *Maehlyo*, qui satiari contra sensum scripserat: regnare n. liber ut PR , libri iuniores hoc loco interpolati sunt. III 13, 13 talem tulit iis sententiam Σ : t. sustulit s. PR ; praeierat *Hartelius* istis coniciens. Ibid. 14, 13 (animus) ut redeat sibi Σ tibi PR . III 17, 10 deorum [in]gentium Σ gentium PR genitor V , quo bene quadrat illud $\delta\iota\varsigma\ \tau\alpha\upsilon\tau\acute{o}\nu\ \eta\mu\acute{\iota}\nu\ \epsilon\lambda\pi\epsilon\nu\ \delta\ \sigma\omicron\phi\omicron\varsigma\ \textit{Αισχύλος}$. III fin. 27 Me et grātulari pātere iudiciō tuo Σ : gratulari me latere R et gr. m. latere P ; de synizesi cf. ad III 6, 9.

IV. libri prologus hic longe aliter a me edetur, atque in editionibus prioribus factum est, quippe cum editores neglecta librorum memoria alius alium exscribere solerent. Sunt autem in hoc prologo inmutata haec. u. 1. operis cum habere destinassem terminum in hoc, ut . . . Σ ; libri autem soluto sane metro: c. d. t. o. h. i. h. PR . Ibid. 3 damnavi [tamen] Σ . Ibid. 4 nam siquis talis etiam titilli est, uti [uel] illud ipsum Σ secundum librorum memoriam, in quibus exaratum est: n. s. t. e. est tituli ut illum ipsum PR . Ibid. 5 quo[quo] damnavit pacto Σ quo pacto damnavit PR . Ibid. 5 sq. edi curavi inuerso eo ordine, quo in libris sunt. Ibid. 10 quoniam caperis fabulae ω (graeco dativo). Ibid. 14 usu uetusto generis (= $\lambda\acute{\epsilon}\xi\epsilon\omega\varsigma$) Σ genere PR . Ibid. 15 quartum libellum dum uacine perlegas Σ dum uariae perleges PR . Ibid. 19 dignumque longa indicatis me mora (= aeuo) Σ memoria PR sine sensu. Tandem ibidem 20 plausum [m]ire desero Σ plausum ire desidero PR ; inlitteratum enim *Scioppius* praeclare emendauerat. IV 1, 9 iocati *Heinsius* egregie pro librorum: locuti PR . IV 2, 2 nil habemus magnum Σ nihil habemus manu PR . Ibid. 14 comprehensus *Rittershusius* compressus ω . Ibid. 15 periit, deinde *Bentleius* deinde perit ω .

Ibid. 16 aliquot [tunc] uenit saeculis retorridus Σ cum libris. IV 7, 3 pare! labellum s. p. Σ : par libellum ω ; labellum *Bongarsius*, *Bentleio* adsentiente. Ibid. 16 caede patria Σ : patris ω . Ibid. 20 iusto . . . exemplo imperi Σ ex parte *Heinsium* (iusti . . . imperi) secutus; libri: imperium. IV 8, 4 si qua res esset sibi *Hartelius* cibi ω . IV 17, 8 functus periculis Σ : factus ω plane insanum reddentes poetam. IV 20, 26 nequod *Schefferus* nequid ω . IV 21, 1 quid iudicare cogitat liuor modo? Σ cum libris, ubi tamen 'cogitur' exstat. Editores, dum uersui sequentia continuant, orationem mirum in modum infringunt. IV 24, 5 sq. secundum Mülleri sententiam inter se extremas uersuum uoces permutauit. IV 25, 6 certo condixit pretio Σ conduxit ω . Ibid. 14 ut ne . . . sentiant *V* Σ praeuente *Hartelio*, qui 'sentias' proposuerat. In libris melioribus est: sentiam *PR*.

V 1, 15 in conspectu meo audet uenire ω , quod ego tutor ita tamen, ut 'uēnire' intellegam de homine se ipsum aliis uendente. V 3, 11 docet [ei] ueniam dari Σ ueniam dari docet ω . Ibid. 12 quia Σ (intricata sane enuntiati structura): quam ω . V 4, 5 tuum libenter *Pithoeus* l. t. *PR*. Ibidem — quod iis qui uerborum fata accuratius secuntur magni momenti esse uidebitur — rarissimum 'hauendi' uerbum seruatum est in libris: qui rapuere diuitias, habent ω , hauent Σ , cum oppositum sit uersu 10 perierunt. V 5, 2 praeiudicio *Baehrensium*. Ibid. 26 et derisurus, non spectaturus silet Σ pro iudicio ω . . . os . . . os sit et *PR*, . . . us . . . us sedet *NV*. V 7, tit. *PROCAX* cum libris. Ibid. necopinus *Neueletus* nec opia sed *P*. Ibid. dum uehit curatio Σ : uenit ω . Ibid. 17 sq. audaci sane conatu mihi sic uisus sum restituisse:

et incipiebat Princeps adduci rei
ingredia se reducit, ut tantummodo
ipso ludorum ostenderet sese die.

PR enim exhibent: e. i. p. abduci reum ingredi a se r. pretio precibus, ut e. q. s. atque primum quidem illud rei (antique scriptum reii) quam facile in reū deuenire potuerit, unusquisque intellet; 'ingredia' autem, quae uox — si lexicis fides — nulla est, recte tamen formata est ut inedia, inopia, incuria alia et significat deficientem progrediendi facultatem.

Appendicis fabulas cur Phaedro falso adscriptas censeam, pluribus explicare non huius loci uidetur esse. Emendandi

autem conamina in ipsis illis pseudophaedrianis adhibita haec fere sunt.

App. 2, 4 quae cuique . . . animali dedit Σ quaecumque *V*. Ibid. 6 duritiam tauri Σ cunctanter; gloriam *V*, quod fere de cornibus nugatorie intellegunt. 4, 22 facile ipse [ego] consentio Σ ego omisit *V*. 5, 3 agit Σ cum *V*. Ibid. 6 ostendit [esse] sine fine hominum miserias Σ o. h. s. f. m. *V*. 6, 1 ius utile nobis quod sit Σ utilius nobis quid sit *VN*. Ibid. 2 famosum Parnasum Σ fecit ex formoso libri *V* monte. Ibid. 3 quode Σ cunctanter: qu. d *N* quido *V*. Ibid. 10 ferroque hostem Σ hostem ferroque *V*. Ibid. 13 stigmäte inpios (= inurite stigmati notā) Σ : castigate *V*. Ibid. 17 namque dixit perditis *Hartelius* nam quae dixit perdidit *VN*. 8, 20 licet enim? uerum Σ : licet? Enimvero *uulgo*. 16, 2 gloriose . . . uehi Σ : gloriosa *V*. Ibid. 6 societas coepit fera *Müllerus* c. f. s. *VN*. 17, 8 inpar dolori *Hartelius* pari dolore *VN*. 18, 9 si estum uocatur Σ estu *V* aestu *N*. Notum est uulgarem sermonem his formis usum esse: comestor, comestus. Ita estus quoque legitur apud Sex. Plac. de med. 11, 4. Praeterea cum talia supina saepissime litteram finalem amittant, qua de re nuperrime Brandtius in Archivio egit, librorum estu quoque bene defendi posse credo. Ibid. 14 pro[loqui] Σ . 19, 1 equum a quadriga Σ ; et *V*, unde *Müllerus* falso ec. 'Equus a quadriga' scilicet, ut 'seruus ab epistulis' dictum est. 20, 4 haeserunt cancri simul Σ : s. h. c. *V*. 21, 7 cum . . . horrore haesisset diu Σ : orrore *V*, errore *N*. 22 tit. nil tam Σ nil ita *N*. 26, 1 celerí cum fugeret péde uenatorém lepus Σ : cum uen. c. p. f. l. *V*. 29, 1 praeuolantem Σ : praeter uolantem *V*; cf. praefluere et praeterfluere, alia eiusmodi.

Haec sunt, de quibus nunc quidem pro talium praefationularum angustiiis lecturos uoluerim commonefecisse. Alia et fortasse meliora tempus suum proferet.

Dabam Vindobonae cal. Iun. MDCCCXCIII.

· Iosephus Maria Stowasser.

Notizen über Phädrus.

Phädrus war nach seinem eigenen Zeugnis thracischer Abstammung (III, prol. 17), kam aber früh in lateinische Schulen (III, epil. 34). Nach der Überschrift der Sammlung war er Freigelassener des Augustus. Sein Leben aber fällt noch unter Tiberius und Caligula. Ursprünglich wollte er nur als Bearbeiter äsopischer Fabeln gelten, vom zweiten Buche an schiebt er auch eigene Erfindungen ein. Ein Mißverständnis seiner Gedichte brachte ihm eine Anklage des unter Tiberius allmächtigen Seianus. Er wendet sich daher im Prolog des dritten Buches an seinen Gönner Euthychus um Hilfe. Dieser Euthychus ist höchst wahrscheinlich der bekannte Wagenlenker und Günstling des Caligula. Daraus ergibt sich, daß die beiden ersten Bücher vor 31 n. Chr. (Sturz des Sejanus) geschrieben sind, während das dritte Buch etwa 40 n. Chr. erschien. Die Personen Particulo und Philetus, denen das vierte und fünfte Buch gewidmet sind, kennt man nicht. Die Fabelsammlung des Phädrus errang sich im Alterthum wenig Anerkennung, da man die Mängel seiner poetischen Darstellung wohl erkannte, wurde aber im Mittelalter sehr geschätzt und vielfach nachgebildet.

PHAEDRI
[AVGVSTI LIBERTI]
FABVLARVM AESOPIARVM
LIBER PRIMVS.

Prologus.

Aesópus auctor quám materiam répperit,
Hanc égo polivi vérsibus senáriis.
Dupléx libelli dós est: quod risúm movet
Et quód prudenti vitam consilió monet.
Calúmniari síquis autem vóluerit, 5
Quod ádeo res loquántur, non tantúm ferae,
Fictís iocari nós meminerit fábulis.

1. Lupus et Agnus.

Ad rívum eundem lúpus et agnus vénerant
Siti compulsi; súperior stabát lupus
Longéque inferior ágnus. Tunc fauce ínproba
Latro incitatus iúrgii causam íntulit.
Cur, inquit, turbuléntam fecistí mihi 5
Aquám bibenti? Lániger contrá timens:
Qui póssum, quaeso, fácere, quod quererís, lupe?
A té decurrit ád meos haustús liquor.
Repúlsus ille véritatis víribus:
Ante hós sex menses mále, ait, dixistí mihi. 10
Respóndit agnus: Équidem natus nón eram.

Pater hèrele tuus [ibi], inquit, maledixit mihi.
Atque ita correptum lacerat iniustá nece.

Haec própter illos scripta est homines fábula,
Qui fictis causis innocentes opprimunt. 15

2. Ranae regem petierunt.

Athénæ cum florérent aequis légibus,
Procáx libertas civitatem miscuit
Frenúmque solvit prístinum licéntia.
Hic cóspiratis fáctionum pártibus
Arcém tyrannus óccupat Pisístratus. 5
Cum tristem servitútem flerent Áttici,
(Non quía crudelis ille, sed quoniám grave est
Omne insüetis ónus) et coepissént queri,
Aesópus talem túm fabellam réttulit.

Ranaé vagantes liberis palúdibus 10
Clamóre magno régem petiere á Iove,
Qui díssolutos móres vi conpésceret.
Patér deorum risit atque illis dedit
Parvúm tigillum, missum quod subitó vadi
Motú sonoque térruit pavidúm genus. 15
Hoc mérsum limo cúm iaceret díntius,
Forte úna tacite prófert e stagnó caput
Et éplorato rége cunctas évocat.

Illaé timore pósito certatim ádnatant
Lignúm superque túrba petulans insilit. 20
Quod cum inquinassent ómni contumélia,
Aliúm rogantes régem misere ád Iovem,
Inútilis quoniam ésset qui fuerát datus.
Tum misit illis hýdrum, qui dente áspero
Corripere coepit singulas. Frustrá necem 25
Fugitánt inertes, vócem praecludit metus.
Furtim igitur dant Mercúrio mandata ád Iovem,
Adfíctis ut succúrrat. Tunc contrá deus:

Quia nóluistis véstrum ferre, inquit, bonum,
Malúm perferte. — Vós quoque, [o] civés, ait, 30
Hoc sústinete, máius ne veniát malum.

3. Graculus superbus et pavo.

Ne glóriari líbeat alienís bonis
Suóque potius hábitu vitam dégere,
Aesópus nobis hóc exemplum pródidit.
Tuméns inani gráculus superbia,
Pennás, pavoni quae deciderant, sústulit 5
Seque éxornavit. Deínde contemnéns suos
Se inmíscuit pavónum formosó gregi.
Illi ínpudenti pénnas eripiúnt avi
Fugántque rostris. Mále mulcatus gráculus
Redíre maerens coépit ad propriúm genus; 10
A quó repulsus tristem sustinuit notam.
Tum quídam ex illis, quós prius despéxerat:
Conténtus nostris sí fuisses sédibus
Et quód natura déderat voluissés pati,
Nec íllam expertus ésses contuméliam 15
Nec hánc repulsam túa sentiret cálamitas.

4. Canis per fluvium carnem ferens.

Amíttit merito próprium, qui alienum ádpetit.
Canis per flumen cárnem dum ferrét natans,
Lymphárum in speculo vídit simulacrúm suum,
Aliámque praedam ab áltero ferri putans
Eripere voluit: vérum decepta áviditas, 5
Et, quém tenebat, óre dimisit cibum,
Nec, quém petebat, pótuit adeo adtingere.

5. Vacca et capella, ovis et leo.

Nunquám est fidelis cúm potenti sócietas:
Testátur haec fabélla propositúm meum.

Vacca ét capella et pátiens ovis iniúriæ
 Socii fuere cùm leone in sáltibus.
 Hi cùm cepissent cêrvum vasti cõporis. 5
 Sic ést locutus pártibus factis leo:
 Ego primam tóllo, dóminor quia [uobis] leo
 Secúndam quaestum sórtis tribuetis mihi;
 Tum, quia plus valeo, mé sequetur tértia —
 Malo ádficietur, síquis quartam tétigerit. 10
 Sic tótam prædam sóla improbitas ábstulit.

6. Ranae ad Solem.

Vicini furis célebres vidit núptias
 Aesópus et continuo narrare incipit:
 Vxórem quondam Sól cum vellet dúcere,
 Clamórem ranae sústulere ad sídera.
 Convicio permótus quaerit Iúppiter 5
 Causám querellæ. Quædam tum stagni íncola:
 Nunc, ínquit, omnes únus exurit lacus
 Cogitque miseræ árida sede émorì.
 Quidnám futurum est, sí crearit líberos?

7. Vulpes ad personam tragicam.

Persónam tragicam fôrte vulpes víderat:
 O quánta species, ínquit; cerebrum nón habet!
 Hoc illis dictum est, quibus honorem et glóriam
 Fortúna tribuit, sénsu communem ábstulit.

8. Lupus et gruis.

Qui prétium meriti ab ínprobis désiderat,
 Bis péccat: primum quóniam indignos ádiuvat;
 Inpúne abire deínde quia iam nón potest.
 Os dévoratum faúce cum haererét lupi,
 Magnó dolore víctus coepit singulos 5
 Inlicere pretio, ut illud extraherént malum.

Tandém persuasa est iúre iurandó gruis,
 Gulaéque credens cólli longitudínem,
 Periculosam fécit medicinám lupo.
 A quó cum pactum flágitaret praémium: 10
 Ingráta es, inquit, óre quae nostró caput
 Incólume abstuleris ét mercedem póstules.

9. Passer ad leporem consiliator.

Sibi nón cavere et áliis consiliúm dare
 Stultum ésse paucis óstendemus vésibus.
 Oppréssum ab aquila flétus [in]ridéns graves
 Leporem óbiurgabat pásser: Ubi pernícitas
 Nota, inquit, illa est? Quid ita cessarúnt pedes? 5
 Dum lóquitur, ipsum accípiter necopinúm rapit
 Questúque vano clámitantem intérfecit.
 Lepús semanimus: Mórtis en solátia!
 Qui módo securus nóstra inridebás mala,
 Similí querella fáta deplorás tua. 10

10. Lupus et vulpes iudice simio.

Quicúmque turpi fráude semel innótuit,
 Etiám si verum dicit, amittit fidem.
 Hoc ádtestatur brévis Aesopi fábula.
 Lupus árguebat vúlpem furti crimine;
 Negábat illa se ésse culpae nóxiam — 5
 Tunc iúdex inter illos sedit símius.
 Utérque causam cúm perorassént suam,
 Dixisse fertur símius senténtiam:
 Tu nón videris pérdidisse, quód petis;
 Te crédo subripúisse, quod pulchré negas. 10

11. Asinus et leo venantes.

Virtútis expers vérbis iactans glóriam
 Ignótos fallit, nótis est derisui.

Venári asello cómite cum vellét leo,
 Contéxit illum frútice et admonuít simul,
 Ut insüeta vóce terrerét feras; 5
 Fugiéntes ipse exciperet. Hic aurítulus
 Clamórem subito tótis tollit víribus
 Novóque turbat béstias mináculo.
 Quae dúm paventes éxitus notós petunt,
 Leónis adfligúntur horrendo ínpetu. 10
 Qui póstquam caede féssus est, asinum évocat
 Iubétque vocem prémere. Tunc ille ínsolens:
 Qualis videtur ópera tibi vocís meae?
 Insignis, inquit, sic ut, nisi nóssem tuum
 Animúm genusque, símili fugissém metu. 15

12. Cervus ad fontem.

Laudátis utilióra, quae contémpseris,
 Saepe inveniri haec [áss]erit narrátio.
 Ad fóntem cervus, cúm bibisset, réstitit
 Et ín liquore vídit effigiém suam.
 Ibi dúm ramosa mírans laudat córnua 5
 Crurúmque nimiam ténuítatem vítuperat,
 Venántum subito vóciбус contérritus
 Per cámpum fugere coépit et cursú levi
 Canés elusit. Sílva tum excepít ferum,
 In quá retentis ínpeditus córnibus 10
 Lacerári coepit mórsibus saevis canum.
 Tunc móriens vocem hanc édidisse dicitur:
 O me ínfelícem! quí nunc demum íntéllego,
 Ut illa mihi profuérint, quae despéxeram,
 Et quae laudaram, quántum luctus hábuerint. 15

13. Vulpes et corvus.

Qui sé laudari gaúdet verbis súbdolis,
 Feré dat poenas túrpi paeniténtia.

Cum dé fenestra córvus raptum cáseum
 Coméssé vellet, célsa residens árbore,
 Vulpés hunc vidit, deinde sic coepít loqui: 5
 O quí tuarum, córve, pennarúm est nitor!
 Quantúm decoris córpore et vultú geris!
 Si vócem haberes, núlla prior alés foret.
 At ille, stultus dúm vult vocem osténdere,
 Dimísit ore cáseum, quem céleriter 10
 Dolósa vulpes ávidis rapuit déntibus,
 Tum démum ingemuit córvi deceptus stupor.
 [Hac ré probatur, ingenium quantúm leuet
 Virtútem; semper praevallet sapientia.]

14. Ex sutore medicus.

Malús cum sutor inopia depérditus
 Medicínam ignoto fácere coepissét loco
 Et vénditaret fálsó antidotum nómine,
 Verbósis adquisivit sibi famám strophis.
 Hinc, cúm iaceret mórbo confectús gravi, 5
 Rex úrbis eius éxperiendi grátia
 Scyphúm poposcit: fúsa dein simuláns aqua
 Illíus miscere ántidoto se tóxicum,
 Ebíbere iussit ípsum posito praémio.
 Timóre mortis ille tum conféssus est 10
 Non ártis ulla médicum se prudéntia,
 Verúm stupore vúlgi factum nóbilem.
 Rex ádvocata cóntione haec édidit:
 Quantaé putatis ésse vos deméntiae,
 Qui cápita vestra nón dubitatis crédere, 15
 Cui cálceandos némo commisit pedes?
 Hoc pértinere vére ad illos díxerim,
 Quorúm stultitia quaéstus impudéntiae est.

15. Asinus ad senem pastorem.

In principatu cōmutando ciuium
 Nil praeter dominum, nōn res mutant pauperes.
 Id esse verum pārva haec fabella indicat.

Asellum in prato tímīdus pascebāt senex.
 Is hóstiū clamóre subito térritus 5
 Suadébat asino fūgere, ne possént capi.
 At ille lentus: Quaéro, num binás mihi
 Clitéllas inpositúrum victorém putas?
 Senéx negavit. Érgo — quid refért mea,
 Cui sérviam? clitéllas dum portém meas. 10

16. Ovis, cervus et lūpus.

Fraudátor homines cum ádvocat sponso inprobo,
 Non rem éxpédire, séd mala indere éxpētit.

Ovēm rogabat cérvus modium trítici
 Lupo sponso. At illa praemetuéns dolum:
 Rapere átque abire sémper adsuevít lūpus, 5
 Tu dé conspectu fūgere veloci ímpetu;
 Vbi vós requiram, cúm dies advénerit?

17. Ovis, canis et lūpus.

Solént mendaces lúere poenas málefici.
 Calúmniator áb ove cum peterét canis,
 Quem cómodasse pánem se conténderet,
 Lúpús citatus téstis non unúm modo
 Debéri dixit, vérum adfirmavít decem. 5
 Ovis damnata fálsó testimónio
 Quod nōn debebat sólvit. Post paucós dies
 Bidéns iacentem in fóvea conspexit lūpum:
 Haec, inquit, merces fráúdis a superís datur.

18. Canis parturiens.

Habént insidias hóminis blanditiáe mali;
 Quas út vitemus, vérsus subiecti monent.

Canis parturiens, cūm rogasset alteram,
 Vt fētum in eius tūgurio deponeret,
 Facile impetravit: dein reposcenti locum 5
 Precēs admovit, tēpus exorāns breve,
 Dum firmiores cātulos posset dūcere.
 Hoc quóque consumpto flāgitari vālidius
 Cubile coepit: Sī mihi et turbaē meae
 Par, inquit, esse pótueris, cedám loco. 10

19. Canes famelici.

Stultūm consilium nōn modo effectū caret,
 Sed ad perniciem quóque mortales dévocat.
 Coriūm depressum in flúvio viderūnt canes.
 Id út comesse extráctum possent fácius,
 Aquám coepere bībere: sed ruptī prius 5
 Periére ibi, quam quod pétierant contingerent.

20. Leo senex, aper, taurus et asinus.

Quicūmque amisit dignitatem pristinam,
 Ignávis etiam iocus est in casú gravi.
 Deféctus annis ét desertus víribus
 Leo cūm iaceret spíritum extremū trahens,
 Apér fulmineis ad eum venit déntibus 5
 Et vindicavit ictu veterem iniúriam.
 Inféstis taurus móx confodit cór nibus
 Hostile corpus. Ásinus, ut vidít ferum
 Impúne laedi, cálcibus frontem éxtudit.
 At ille exspirans: Fórtes indigne tuli 10
 Mihi insultare: té, naturae dédecus,
 Quod férre cogor, cérte bis videór mori.

21. Mustela et homo.

Mustéla ab homine prénsa, cum instantém necem
 Effúgere vellet: Párce, quaéso, inquit, mihi,

Quae tibi molestis mûribus purgó domum.
 Respóndit ille: Fáceres si causá mea,
 Gratum éssset et dedissem veniam súppliei. 5
 Nunc quia laboras, út fruaris réliquiis,
 Quas sũnt rosuri, símul et ipsos dévores,
 Noli ímputare vánum beneficiúm mihi.
 Atque íta locutus ímprobam letó dedit.
 Hoc ín se dictum débent illi agnóscere, 10
 Quorúm privata sérvit utilitás sibi
 Et méritum inane iáctant imprudentibus.

22. Canis fidelis.

Repénte liberális stultis grátus est,
 Verúm peritis ínritos tendit dolos.
 Noctúrnu cum fur pánem misissét cani,
 Obiéceto temptans án cibo possét capi:
 Heus, ínquit, linguam vís meam praeclúdere, 5
 Ne látrem pro re dómini? Multum fálleris.
 Namque ísta subita mé iubet benignitas
 Vigiláre, facias né mea culpá lucrum.

23. Rana rupta et bos.

Inóps, potentem dúm vult imitari, perit.
 In práto quondam rána conspexít bovem
 Et tácta invidia tántae magnitúdinis
 Rugósam inflavit péllem: tum natós suos
 Intérrogavit, án bove esset flátior. 5
 Illí negarunt. Rúrsus intendít cutem
 Maióre nisu et símili quaesivít modo,
 Quis máior esset. Illi dixerúnt bovem.
 Novíssime indignáta dum vult válidius
 Infláre sese, rúpto iacuit córpore. 10

24. Canes et corcodili.

Consília qui dant práva cautis hóminibus,
Et pérduñt operam et déridentur túrpiter.

Canés currentes bibere in Nilo flúmine,
A córcodilis né rapiantur, tráditum est.
Igitúr cum currens bíbere coepissét canis, 5
Sic córcodilus: Quámlibet lambe ótio
Et póta accede Níli temere, at sédulo
Noli vereri. At ille: Facerem me hércules,
Nisi ésse scirem cárnis te cupidúm meae.

25. Vulpes et ciconia.

Nulli nocendum: síquis vero laéserit,
Multándum simili iúre fabella ádmonet.

Vulpés ad cenam díctur cicóniam
Prior invitasse et illi in patina líquidam
Posúisse sorbitiónem, quam nulló modo 5
Gustáre esuriens pótuérít cicónia.
Quae vúlpem cum revocásset, intritó cibo
Plenám lagonam pósuit: huic rostrum ínserens
Satiátur ipsa et tórquet convivám fame.
Quae cúm lagonae cóllum frustra lámberet, 10
Peregrínam sic locútam volucrem accépinus:
Sua quisque exempla débet aequo animó pati.

26. Canis et thesaurus et vulturius.

[Haec rés avaris ésse conveniéns potest
Et qui húmiles nati díci locupletés student.]

Humána effodiens óssa thesaurúm canis
Invénit et, violárat quia Manés deos,
Iniécta est illi dívítiarum cúpiditas, 5
Poenás ut sanctae Réligioni pénderet.
Itaque aúrum dum custódit oblitus cibi,

Famé est consumptus; quém stans vulturiús super
 Fertúr locutus: Ó canis, meritó iaces,
 Qui cóncupisti súbito regalés opes 10
 Trivió conceptus, éducatús stércore.

27. Vulpes et aquila.

Quamvis sublimes débent humiles métuere,
 Vindícta docili quía patet sollértiae.

Vulpínos catulos áquila quondam sústulit
 Nidóque posuit púllis, escam ut cárperent.
 Hanc prósecuta máter orare incipit, 5
 Ne tántum miserae lúctum importarét sibi.
 Contémpsit illa, túta quippe ipsó loco.
 Vulpés ab ara rápuít ardentém facem
 Totámque flammis árborem circúmdedit
 Hostí dolorem dámno mittens sánguínis. 10
 Aquila, út periclo mórtis eriperét suos,
 Incólumes natos súpplex vulpi reddidit.

28. Ranae metuentes taurorum proelia.

Humilés laborant, úbi potentes dissident.
 Rana in palude púgnam taurorum íntuens:
 Heu quánta nobis ínstát pernícíés! ait.
 Interrogata ab ália, cur hoc díceret,
 De princípato cum illi certarént gregis 5
 Longéque ab ipsis dégerent vitám boves:
 Est státio separáta ac diversúm genus;
 Sed púlsus regno némoris qui profúgerit,
 Palúdis in secréta veniet látibula
 Et próculcatas óbteret duró pede. 10
 Ita cápút ad nostrum fúror illorum pértinet.

29. Milvus et columbae.

Qui sé committit hómini tutandum inprobo,
 Auxília dum requirit, exitium invenit.

Colúmbae saepe cūm fugissent milūm
 Et celeritate pēnnae vitassent necem,
 Consilium raptor vĕrtit ad fallāciam 5
 Et gēnus inĕrme tāli decepīt dolo:
 Quaré sollicitum pōtius aevum dūcitis,
 Quam rēgem me creātis icto foédere,
 Qui vós ab omni tūtas praestem iniūria?
 Illaé credentes trādunt sese milūo; 10
 Qui régnum adeptus coépīt vesci singulas
 Et éxercere impérium saevis únguibus.
 Tunc dé relicuis úna: Merito pléctimur.

LIBER SECVNDVS.

Auctor.

Exémpis continétur Aesopi genus;
 Nec áliud quicquam pĕr fabellas quaéritur,
 Quam córrigatur érror ut mortálium
 Acuátque sese díligens indústria.
 Quicúmque fuerit érgo narrantis iocus, 5
 Dum cápiat aurem et sérvet propositúm suum,
 Re cómmendatur, nón auctoris nómine.
 Equidem ómni cura mórem servabó senis,
 Sed sí libuerit áliquid interpónere,
 Dictórum sensus út delectet várietas, 10
 Bonás in partes léctor accipiát velim
 Sic, [ut] rependet illi brevitás gratiam.
 Cuiús verbosa né sit commendátio,
 Adtēnde, cur negáre cupidís débeas,
 Modéstis etiam offérre, quod non pétierint. 15

1. Iuencus, leo et praedator.

Supér iuencum stábat deiectúm leo.
 Praedátor intervénit partem póstulans.

Darem, inquit, nisi soléres per te súmere:
 Et inprobum reiécit. Forte innóxius
 Viátor est dedúctus in eundém locum 5
 Feróque viso réttulit retró pedem.
 Cui plácidus ille: Nón est, quod timeás, ait;
 Et, quae debetur párs tuae modéstiae,
 Audácter tolle. Túc diviso térgore
 Silvás petivit, hómini ut accessúm daret. 10
 Exémplum egregium prórsus et laudábile;
 Verúm est aviditas díves et paupér pudor.

2. Aesopus ad quendam de successu inproborum.

Lacerátus quidam mórsu vehementi canis
 Tinctúm cruore pánem misit málefico,
 Audíerat esse quód-remedium vúlneris.
 Tunc sic Aesopus: Nóli coram plúribus
 Hoc fácere canibus, né nos vivos dévorent, 5
 Cum scíerint esse tále culpae praémium.
 Succéssus inprobórum plures állicit.

3. Aquila, feles et aper.

Aquila in sublimi quércu nidum fécerat;
 Felés cavernam náncta in media pépererat;
 Sus némoris cultrix fétum ad imam pósuerat.
 Tum fórtuitum féles contubérnium
 Fraude ét scelesta sic evertit málitia. 5
 Ad nidum scandit vólucris: Perniciés, ait,
 Tibi paratur, fórsan et miseraé mihi;
 Nam fódere terram quód vides cotidie
 Aprum insidiosum, quércum vult evértere,
 Vt nóstram in plano fácale progeniem ópprimat. 10
 Terróre offuso et pérturbatis sénsibus
 Derépit ad cubile saetosaé suis:
 Magno, inquit, in periclo sunt natí tui;

Nam, simul exieris pástum cum teneró grege,
 Aquilá est parata rápere porcellós tibi. 15
 Hunc quóque timore póstquam complevít locum,
 Dolósa tuto cóndidit sesé cavo.
 Inde évagata nóctu suspensó pede,
 Vbi éscá se replévít et prolém suam,
 Pavórem simulans próspicit totó die. 20
 Ruínam metuens áquila ramis désidet;
 Apér rapinam vítans non prodit foras.
 Quid múlta? Inedia súnť consumpti cúm suis
 Felisque catulis lárgam prae buerúnť dapem.
 Quantum hómo bilinguis saépe concinnét mali, 25
 Documéntum habere stúlta credulitás potest.

4. Tiberius Caesar ad atriensem.

Est árdalionum quaédam Romae nátio,
 Trepidé concursans, ócupata in ótio,
 Gratís anhelans, múlta agendo níl agens,
 Sibí molesta et áliis odiosíssima.
 Hanc émendare, sí tamen possúm, volo 5
 Verá fabella: prétium est operae adténdere.
 Caesár Tiberius cúm petens Neápolim
 In Misenensem villam venissét suam,
 Quae mónte summo pósita Lucullí manu
 Prospéctat Siculum et réspicit Tuscúm mare: 10
 Ex álticinctis únus atriénsibus,
 Cui túnica ab umeris líteo Pelúsio
 Erát destrecta, cirris dependéntibus,
 Perámbulante laéta domino víridia,
 Alvéolo coepit líneo conspérgere 15
 Humum aéstuantem, iáctans officiúm choae,
 Sed déridetur. Índe notis fléxibus
 Praecúrrit alium in xýstum, sedans púlverem.
 Agnóscit hominem Caesár remque intellegit.

Heus! inquit dominus. Ílle enimvero ádsilit 20
 Donátionis álacer certae gaúdio,
 Ubí putauit ésse nescioquíd boni.
 Tum sic iocata est tánta maiestás ducis:
 Non múltum egisti et ópera nequiquám perit;
 Múltó maioris álapae mecum véneunt. 25

5. Aquila et cornix.

Contrá potentes némo est munitús satis;
 Si véro accessit cónsiliator máleficus,
 Vis ét nequitia quícquid oppugnánt, ruit.
 Aquila ín sublime sústulit testúdinem.
 Quae cum ábdisset córnea corpús domo 5
 Nec úllo pacto laédi posset cóndita,
 Venít per auras córnix et proptér volans:
 Opímam sane praédam rapuisti únguibus;
 Sed nisi monstraro, quíd sit faciendúm tibi,
 Graví nequiquam té lassabit póndere. 10
 Promíssa parte suádet, ut scopulúm super
 Altis ab astris dúram inlidat córticem,
 Qua cómminuta fácale vescatúr cibo.
 Indúcta verbis áquila monitis páruit
 Simul ét magistrae lárge divisít dapem. 15
 Sic túta quae natúrae fuerat múnere,
 Inpár duabus óccidit tristí nece.

6. Muli duo et sectores.

Muli gravati sárcinis ibánt duo.
 Vnús ferebat fiscos cum pectúnia,
 Altér tumentes múltó saccos hórdeo.
 Ille óncat dives célsa cervice éminens
 Clarúmque collo iáctans tintinnábulum, 5
 Comés quieto séquitur et placidó gradu.
 Subitó latrones éx insidiis ádvolant

Intérque caedem férro mulum saúciant,
 Dirípiunt nummos, néglegunt vile hórdeum.
 Spoliátus igitur cásus cum flerét suos: 10
 Equidem, inquit alter, mé contemptum gaúdeo,
 Nam níl amisi néc sum laesus vúlnerē.
 Hoc árgumento túta est hominum ténuitas;
 Magnaé periclo súnt opes obnóxiae.

7. Cervus ad boves.

Cervús nemorosis éxcitatus látibulis,
 Vt vénatorum fúgeret instantém necem,
 Caecó timore próxíam villám petit
 Et ópportuno sé bovili cóndidit.
 Hic bós latenti: Quidnam voluistí tibi, 5
 Infélix, ultro qui ád necem cucúrreris
 Hominúmque tecto spíritum commiseris?
 At ille supplex: Vós modo, inquit, párcite,
 Occásiōe rúrsus erumpám data.
 Spatiúm diei nóctis excipiúnt vices. 10
 Frondém bubuleus ádfert, níl adeó videt.
 Eúnt subinde et rédeunt omnes rústici,
 Nemo ánimadvertit: tránsit etiam vilícus,
 Nec ille quicquam séntit. Tum gaudéns ferus
 Bubús quietis ágere coepit grátias, 15
 Hospítium adverso quód praestiterint témpore.
 Respóndit unus: Sálvum te cupimús quidem;
 Sed ille, qui oculos céntum habet, si vénerit,
 Magno ín periclo víta vertetúr tua.
 Haec ínter ipse dóminus a cená redit 20
 Et, quía corruptos víderat nupér boves,
 Accédit ad praesépe: Cur frondís parum est?
 Straménta desunt! Tóllere haec arána
 Quantúm est laboris? Dúm scrutatur síngula,
 Cerví quoque alta est cónspicatus córnua; 25

Quem cónvocata iúbet occidi fámilia
 Praedámque tollit. Haéc significat fábula,
 Dominúm videre plúrimum in rebús suis.

Auctor.

Aesópi ingenio statnam posuere Áttici
 Servúmque collocárunt aeterna in basi.
 Patére scirent nómini ut cuncti viam
 Nec géneri tribui, séd virtuti glóriam.
 Quoniam óccuparat álter, ne primús forem, 5
 Ne sólus esset, stúdui, quod supérfuit:
 Nec haéc invidia, vérum est aemulátio.
 Quodsi labori fáverit Latíum meo,
 Plurés habebit, quós opponat Graéciae.
 Si lívor obtrectáre curam vóluerit, 10
 Non támen eripiet laúdis consciéntiam.
 Si nóstrum studium ad aúres pervenit suas
 Et árte fictas ánimus sentit fábulas,
 Omném querellam súbmovet felícitas.
 Sin autem rabulis dóctus occurrit labor, 15
 Sinístra quos in lúcem natura éxtulit,
 Ne quícquam possent ní meliores cárpere —
 Fatále vitium córde durató feram,
 Donéc fortunam criminis pudeát sui.

LIBER TERTIVS.

Phaedrus ad Eutychem.

Phaedrí libellos légere si desíderas,
 Vacés oportet, Eútyche, a negótiis,
 Vt liber ánimus séntiat vim cárminis.
 Verum, ínquis, tanti nón est ingeniúm tuum,
 Moméntum ut horae péreat officiis meis. 5

Non érgo causa est mánibus id tangí tuis,
 Quod óccupatis aúribus non cónvenit.
 Fortásse dices: Áliquae venient fériæ,
 Quae mé soluto péctore ad studiúm vocent.
 Legésne, quaeso, pótius viles nénias, 10
 Impéndas curam quám rei domésticae,
 Reddás amicis témpora, uxori vaces,
 Animúm relaxes, ótium des córpori,
 Vt ádsüetam fórtius praestés vicem?
 Mutándum tibi propósitum est et vitaé genus, 15
 Intráre si Musárum limen cógitas.
 Ego, quém Pierio máter enixá est iugo,
 In quó tonanti sáncta Mnemosyné Iovi
 Fecúnda novies Ártium peperit chorum,
 Quamvis in ipsa paéne natus sím schola 20
 Curámque habendi pénitus corde eráserim
 Et laúde inuita[n]te hanc in uitam incúbuerim,
 Fastídióse támen in coetum récipior.
 Quid crédis illi accídere, qui magnás opes
 Exággerare quaérit omni vígilia, 25
 Doctó labori dúlce praeponéns lucrum?
 Sed iám quodcumque fúerit (ut dixit Sinón,
 Ad régem cum Dardániae perductús foret)
 Librum éxarabo tértium Aesopí stilo,
 Honóri et meritis dédicans illúm tuis. 30
 Quem sí leges, laetábor; sin autém minus,
 Habébunt certe, quó se oblectent pósteri.
 Nunc, fábularum cúr sit inventúm genus,
 Brevi docebo. Sérvitus obnóxia,
 Quia quae volebat nón audebat dícere, 35
 Adféctus proprios in fabellas tránstulit
 Calúmniamque fíctis elusít iocis.
 Ego illius pro sémita feci viam,
 Et cóncitavi plúra quam reliquerat,

In cálamitatem déligens quaedám meam. 40
 Quod si áccusator álius Seianó foret,
 Si téstis alius, iúdex alius dénique,
 Dignúm faterer ésse me tantis malis,
 Nec his dolorem délenirem rémediis.
 Suspicionem síquis errabit sua 45
 Et rápiet ad se, quód erit commune ómnium,
 Stulté nudabit ánimi consciéntiam.
 Huic éxcusatum mé velim nihiló minus:
 Neque ením notare síngulos mens ést mihi,
 Verum ípsam vitam et móres hominum osténdere. 50
 Rem mé professum dícet fors aliquís gravem.
 Si Phrýx Aesopus pótuít, Anacharsís Scythes
 Aetérnam famam cóndere ingenió suo:
 Ego, litteratae quí sum propior Graéciae,
 Cur sómno inerti déseram patriaé decus? 55
 Threíssa cum gens númeret auctores suos,
 Linóque Apollo sít parens, Musa Órpheo,
 Qui sáxa cantu móvit et domuít feras
 Hebríque tenuit ímpetus dulcí mora.
 Ergo hinc abesto, lívor, ne frustrá gemas, 60
 Quoniám sollemnis mihi debetur glória.
 Indúxi te ad legéndum; sincerúm mihi
 Candóre noto réddas iudiciúm, peto.

1. Anus ad amphoram.

Anús iacere vidit epotam ámphoram,
 Adhúc Falerna faéce e testa nóbili
 Odórem quae iucúndum late spárgeret.
 Hunc póstquam totis ávida traxit náribus:
 O suávis anima! quále in te dicám bonum 5
 Antehác fuisse, táles cum sint réliquiae?
 Hoc quó pertineat, dícet, qui me nóverit.

2. Panthera et pastores.

Solet á respectis pár referri grátia.
Panthéra inprudens ólim in foveam décidit.
Vidére agrestes: álíi fustes cóngerunt,
Alíi ónerant saxís; quídám contra miserítí —
Perítúrae quíppe, quámvis nemo laéderet — 5
Misére panem, ut sústíneret spíritum.
Nox ínsecuta est: ábeunt securí domum,
Quasi ínventuri mórtuam postrídíe.
At illa, víres út refecít lánguidas,
Velóci saltu fóvea sese liberat 10
Et ín cubile cóncito properát gradu.
Paucís díebus ínterpositís próvolat,
Pecús trucídat, ípsos pastorés necat,
Et cúncta vastans saévit irato ímpetu.
Tum síbí tímientes quí ferae pepérce rant 15
Damnum haúd recusant, tántum pro vitá rogant.
At illa: Memíní quí me saxo pétíerít,
Quí pánem dederít! Vós tímere absístíte;
Illís revertor hóstís, quí me laéserunt.

3. Lanius et simius.

Pendére ad laníum quídám vídít símíum,
Íntér relicuas mérces atque opsónia.
Quaesívít, quídnám sáperet. Tum laníus íocans:
Quale, ínquit, caput est, tális praestatúr sapor.
Rídicule magís hoc díctum quam vere aéstímó; 5
Quando ét formosos saépe ínveni péssímós,
Et túrpi facíe múltos cognoví óptímós.

4. Aesopus et petulans.

Succéssus ad pernícíem multos dévocat.
Aesópo quídám pétulans lapídém ínpegérat.

Tanto, inquit, melior! Ássem deinde illi dedit,
 Sic prósecutus: Plús non habeo mehércule
 Sed, únde accipere póssis, monstrabó tibi. 5
 Venit ecce dives ét potens: huic similiter
 Inpínge lapidem et dígnum accipies praémium.
 Persuásus ille fécit, quod monitús fuit;
 Sed spés fefellit ínpudentem audáciam:
 Comprénsus namque poénas persolvít cruce. 10

5. Musca et mula.

Musca in temone sédit et mulam increpans:
 Quam tárda es! inquit; nón vis citius prógredi?
 Vide, né dolone cóllum compungám tibi.
 Respóndit illa: Vérbis non moveór tuis;
 Sed ístum timeo, sélla qui primá sedens 5
 Iugúm flagello témperat lentó meum
 Et óra frenis cóntinet spumántibus.
 Quaprópter aufer frívolam insoléntiam:
 Nam ubi tricandum et úbi currendum sit, scio.
 Hac dérideri fábula meritó potest, 10
 Qui sine virtute vánas exercét minas.

6. Lupus ad canem.

Quam dúlcis sit libértas, breviter próloquar.
 Cani perpasto mácie confectús lupus
 Forte óccucurrit; dein salutant invicem,
 Vt réstiterunt: Vnde sic, quaesó, nites?
 Aut quó cibo fecisti tantum córporis? 5
 Ego, qui sum longe fórtior, pereó fame.
 Canis simpliciter: Éadem est condició tibi,
 Praestáre domino sí par officiúm potes.
 Quod? inquit ille. Cústos ut sis líminis,
 A fúribus tueáris et noctú domum. 10
 Ego véro sum parátus: nunc patiór nives

Imbrésque in silvis ásperam vitám trahens:
 Quantó est facilius mihi sub tecto vivere,
 Et ótiosum lárgo satiari cibo?
 Veni érgo mecum. Dúm procedunt, áspicit 15
 Lupus á catena cóllum detritúm cani.
 Vnde hóc, amice? Nihil est. Dic, quaesó, tamen!
 Quia videor acer, álligant me intérdiu,
 Luce út quiescam et vígilem, nox cum vénerit:
 Crepúsculo solútus, qua visúm est, vapor. 20
 Adfértur ultro pánis; de mensá sua
 Dat óssa dominus; frústa iactant fámilia
 Et quód fastidit quisque pulmentárium.
 Sic síne labore vénter inpletúr meus.
 Age, síquo abire est ánimus, est licéntia? 25
 Non pláne est, inquit. Frúere, quae laudás, canis:
 Sagínari nolo, út liber non sím mihi.

7. Soror et frater.

Praecépto monitus saepe te considera.
 Habébat quidam fíliam turpíssimam
 Idémque insignem púlchra facie fílium.
 Hi, spéculum in cathedra mátris ut positúm fuit,
 Pueriliter ludéntes forte inspéxerunt. 5
 Hic sé formosum iáctat: illa iráscitur
 Nec glóriantis sústinet fratris iocos,
 Accípiens quippe cúncta in contuméliam.
 Ergo ad patrem decúrrit laesura ínvicem
 Magnáque invidia criminatur fílium, 10
 Vir nátus quod rem féminarum tétigerit.
 Ampléxus ille utrúmque et carpens óscula
 Dulcémque in ambos carítatem pártiens:
 Cotídie, inquit, spéculo vos utí volo!
 Tu fórmam ne corrúmpas nequitiaé malis; 15
 Tu faciém ut istam móribus vincás bonis.

8. Socrates ad amicos.

Vulgare amici nomen, sed rara est fides.
 Cum parvas aedes sibi fundasset Sócrates —
 Cuius non fugio mortem, si famam adsequar,
 Et cedo invidiae, dummodo absolvár cinis, —
 Ex populo sic nescioquis, ut fieri solet: 5
 Quaesó, tam angustam talis vir ponis domum?
 Vtinam, inquit, veris hanc amicis inpleam!

9. Pullus ad margaritam.

In stérquilino púllus gallináceus,
 Dum quaérit escam, márgaritam répperit.
 Iacés indigno quánta res, inquit, loco!
 Hoc síquis pretii cúpidus vidissét tui,
 Olím redisses ad splendorem pristinum. 5
 Ego quód te inveni, pótiór cui multó est cibus,
 Nec tibi prodesse néc mihi quicquám potest.
 Hoc illis narro, quí me non intéllegunt.

10. Apes et fuci vespa iudice.

Apés in alta fécerant quercú favos:
 Hos fúci inertes ésse dicebánt suos.
 Lis ad forum dedúcta est vespa iúdice.
 Quae génus utrumque nósset cum pulchérime,
 Legém duabus hanc proposuit pártibus: 5
 Non inconveniens córpus et par ést color,
 In dúbium plane rés ut merito vénerit.
 Sed né religio péccet imprudéns mea,
 Alvós accipite et cérís opus infúndite,
 Vt ex sapore méllis et formá favi, 10
 De quís nunc agitur, aúctor horum appareat.
 Fúci recusant: ápibus condició placet.
 Tunc illa talem túlit iis senténtiam:

Apértum est, quis non póssit et quis fécerit;
Quaprópter apibus frúctum restituó suum.

15

Hanc praéterissem fábulam siléntio,
Si páctam fuci nóñ recusassént fidem.

11. De lusu et severitate.

Puerórum in turba quídam ludentem Átticus
Aesópum nucibus cúñ vidisset, réstitit
Et quási delirum rísit. Quod sensit simul
Derisor potius quáñ deridendús senex,
Arcúm retensum pósuit in mediá via:
Heus, inquit, sapiens; éxpedi, quid fécerim!
Concúrrit populus. Ílle se torquét diu
Nec quaéstionis pósitae causam intéllegit.

5

Novíssime succúmbit. Tum victór sophus:
Cito rúmpes arcum, sémper si tensum hábueris;
At sí laxaris, cúñ voles, erit útilis.

10

Sic lúdus animo débet aliquandó dari,
Ad cógitandum mélior ut redeát sibi.

12. Cicada et noctua.

Humánitati qui se non accómmodat,
Plerúmque poenas óppetit supérbiae.

Cicáda acerbum nóctuae convícium
Faciébat, solitae victum in tenebris quaérere
Cavóque ramo cápere somnum intérdiu.
Rogáta est, ut tacéret. Multo válidius
Clamáre coepit. Rúrsus admotá prece
Accénsa magis est. Nóctua ut vidít sibi
Nullum ésse auxilium et vérba contemní sua,
Hac ést adgressa gárrulam fallácia:
Dormíre quia me nóñ sinunt cantús tui,
Sonáre citharam quós putes Apóllinis,
Potáre est animus néctar, quod Pallás mihi

5

10

Nupér donavit; sí non fastidís, veni!
 Vná bibamus. Ílla, quae arebát siti. 15
 Simúl cognovit vócem laudári suam,
 Cupide ádvolavit. Nóctua egressa é cavo
 Trepidántem consecatáta est et letó dedit
 Sic víva quod negárat tribuit mórtua.

13. Arbores in deorum tutela.

Olim, quas vellent ésse in tutelá sua,
 Divi legerunt árbores. Quercús Iovi
 At mýrtus Veneri plácuit, Phoebó laúrea,
 Pinús Cybebae, pópulus celsa Hérculi.
 Minérva admirans, quáre steriles súmerent, 5
 Intérrogavit. Causam dixit Iúppiter:
 Honórem fructu né videamur véndere.
 At, mehércules, narrábit quod quis vóluerit,
 Olíva nobis própter fructum est grátior.
 Tunc síc deorum [in]géntium atque hominúm sator: 10
 O náta, merito sápiens dicere ómnibus!
 Nisi útile est quod fácimus, stulta est glória.
 Nil ágere, quod non prósit, fabella ádmonet.

14. Pavo ad Iunonem de voce sua.

Pavo ád Iunonem vénit indigné ferens,
 Cantús luscinií quód sibi non tribuerit;
 Illum ésse cunctis ávibus admirábilem,
 Se dérideri, símul ac vocem miserit.
 Tunc cónsolandi grátia dixit dea: 5
 Sed fórma vincis, víncis magnitúdine;
 Nitór smaragdi cóllo praefulgét tuo
 Pictísque plumis gémmeam caudam éxplicas.
 Quo mi, ínquit, mutam spéciem, si víncór sono?
 Fatórum arbitrio pártes sunt vobís datae: 10
 Tibi fórma, vires áquilae, luscinió melos,

Augúrium corvo, laéva cornici ómina,
Omnésque propriis súnt contentae dótibus.

Noli ádfectare quód tibi non ést datum,
Delúsa ne spes ád querellam récidat. 15

15. Aesopus respondet garrulo.

Aesópus domino sólus cum esset fámilia,
Paráre cenam iússus est matúrius.
Ignem érgo quaerens áliquot lustravít domus
Tandémque invenit, úbi lucernam accénderet.
Tum círcum eunti fúerat quod iter lóngius, 5
Effécit brevius: námque recta pér forum
Coepít redire. Et quídam e turba gárrulus:
Aesópe, medio sóle quid cum lúmíne?
Hominem, ínquit, quaero, et ábiit festináns domum.

Hoc sí molestus ille ad animum réttulít, 10
Sensít profecto se hóminem non visúm seni,
Intémpestive qui óccupato adlúserít.

Poëta.

Supérsunt mihi quae scribam, sed parcó sciens;
Primum ésse videar né tibi moléstior,
Distríngit quem multárum rerum várietas;
Dein síquis eadem fórte conarí velit,
Habére ut possit áliquíd operis résidui: 5
Quamvis materiae tánta abundet cópia,
Labóri faber ut désít, non fabró labor.
Brevitáti nostrae praémium ut reddás, peto,
Quod és pollicítus: éxhibe vocís fidem.
Nam víta mortí própíor est cotidie, 10
Et hóc minus [per]véniét ad me múnérís,
Quo plús consumet témporis dilátio.
Si cito rem perages, úsus fiet lóngior:
Fruár diutius, sí celerius cépero.

Languéntis aevi dúm sunt aliquae réliquiae,	15
Auxílio locus est: ólim senio débilem	
Frustra ádiuvare bónitas nitetúr tua,	
Cum iám desierit ésse beneficio útilis	
Et mórs vicina flágitabit débitum.	
Stultum ádmovere tibi preces existimo,	20
Proclivis ultro cúm sit misericórdia.	
Saepe impetravit véniam confessús reus:	
Quanto innocentí iústius debét dari?	
Tuaé sunt partes; fúerunt aliorúm prius.	
Dein símili gyro vénient aliorúm vices.	25
Decérne quod relígio, quod patitúr fides,	
Me et grátulari pátere iudició tuo.	
Excédit animus quém proposuit términum,	
Sed difficulter cóntinetur spiritus,	
Intégritatis qui sinceræ cóncius	30
A nóxiorum prémitur insoléntiis.	
Qui sint, requires? Apparebunt témpore.	
Ego, quóndam legi quám puer senténtiam,	
„Palám muttire plébeio piáculum est,“	
Dum sánitas constábit, pulchre méminero.	35

LIBER QVARTVS.

Poëta ad Particulonem.

Operís cum habere déstinassem términum
 In hóc, ut aliis ésset materiaé satis,
 Consílium tacito córde damnavi [tamen].
 Nam stquis talis étiam titillí est, ut[i]
 [Vel] illud ipsum cúpiat famae trádere,
 [Quo]quó damnabit pacto, quidnam ómiserim,
 Sua cúque cum sit ánimi cogitátio,
 Colórque proprius. Érgo non levitás mihi,

Sed certa ratio causam scribendi dedit.
 Quaré, Particulo, quóniam caperis fábulae, 10
 (— Quas Aésopias, nón Aesopi nómino,
 Quia paucas ille osténdit, ego plurés fero
 Usú vetusto géneris, sed rebús novis —)
 Quartúm libellum dúm uacine pérlegas,
 Hunc óbtrectare si volet malignitas, 15
 Imitári dum non póssit, obtrectét, licet.
 Mihi páрта laus est, quód tu, quod similés tui
 Vestrás in chartas vérba transfertís mea
 Dignúmque longa iúdicatis mé mora.
 Inlitteratum plaúsum [m]ire désero. 20

1. Asinus et Galli.

Qui nátus est infélix, non vitám modo
 Tristém decurrit, vérum post obitúm quoque
 Perséquitur illum dúra fati miseria.

Gallí Cybebes círcum in quaestus dúcere
 Asinúm solebant báulantem sarcinas. 5
 Is cúm labore et plágis esset mórtuus,
 Detrácta pelle sibi fecerunt týmpána.
 Rogáti mox a quódam, delició suo
 Quidnám fecissent, hóc iocati súnť modo:
 Putábat se post mórtē securúm fore; 10
 Ecce, áliae plagae cóngeruntur mórtuo.

2. Poëta.

Ioculáre tibi vidétur, et sané leve,
 Dum níl habemus mágnum, calamo lúdimus.
 Sed diligenter íntuere has nénias:
 Quantám sub illis útilitatem réperies!
 Non sémper ea sunt, quae videntur: decipit 5
 Frons prima multos; rára mens intéllegit,
 Quod interiøre cóndidit cura ángulo.

Hoc né locutus sine mercede exístimer,
Fabéllam adiciam dé mustela et múribus.

Mústela cum annis ét senecta débilis 10
Murés veloces nón valeret ádsequi,
Invólvit se farina et obscuró loco
Abiécit neglegénter. Mus escám putans
Adsiluit et comprénsus occubuit neci.
Altér similiter, périit deinde et tértius. 15
Aliquót [tunc] uenit saéculis retórridus,
Qui saépe laqueos ét muscipula effúgerat;
Procúlque insidias cérnens hostis cállidi:
Sic váleas, inquit, út farina es, quae iaces!

3. De vulpe et uva.

Famé coacta vúlpes alta in vínea
Vvam ádpetebat súmmis saliens víribus:
Quam tángere ut non pótuít, discedéns ait:
Nondúm matura est; nólo acerbam súmere.

Qui fácere quae non póssunt verbis élevant, 5
Adscribere hoc debébunt exemplúm sibi.

4. Equus et aper.

Equús sedare sólitus quo fuerát sitim,
Dum sése aper volútat, turbavít vadum.
Hinc órta lis est. Sónipes iratús fero
Auxílium petiit hóminis, quem dorsó levans
Redit ad hostem. Iáctis hunc telís eques 5
Postquam interfecit, sic locutus tráditur:
Laetór tulisse auxílium me precibús tuis;
Nam praédam cepi et dídici, quam sis útilis;
Atque íta coegit fréno invitúm pati.
Tum maéstus ille: Párvae vindictám rei 10
Dum quaéro demens, sérvitutem répperi.

Haec iracundos admonebit fábula
 Inpúne potius laédi quam dedi álteri.

5. Pugna murium et mustelarum.

Cum vícti mures mústelarum exércitu
 (História quorum et in tabernis píngitur)
 Fugerént et artos círcum trepidarént cavos,
 Aegré recepti támen evaserúnt necem.
 Ducés eorum, quí capitibus córnua 5
 Suis ligarant, út conspicuum in proélio
 Habérent signum, quód sequerentur, mílites,
 Haesére in portis súnque capti ab hóstibus;
 Quos ínmolatos víctor avidis déntibus
 Capácis alvi mérsit tartareó specu. 10

Quemcúmque populum trístis eventús premit,
 Periclitatur mágnitudo principum;
 Minúta plebes fáciili praesidió latet.

6. Phaedrus.

Tu, quí, nasute, scripta destringís mea
 Et hóc iocorum légere fastidís genus,
 Pará! Labellum sustine patientía,
 Sevérítatem fróntis dum placó tuae
 Et in cothurnis pródit Aesopús novis! 5

Vtinám ne nemoris úmquam Pelíi iugo
 Pinús bipinni cóncidisset Théssala!
 Nec ad professae mórtis audacém viam
 Fabricásset Argus ópere Palladió ratem,
 Inhóspitalis prima quae ponti sinus 10
 Patefécit in pernícíem Graium et bárbarum!
 Namque ét superbi lúget Aeetaé domus,
 Et régna Peliae scélere Medeaé iacent,
 Quae saévum ingenium váriis involvéns modis

Illic per artus frátris explicuit fugam, 15
 Hic caéde patria Peliadum infecit manus,
 Quid tibi videtur? Hóc quoque insulsúm est, ait,
 Falsóque dictum; lónge quia vetústior
 Aegaéa Minos clásse perdomuit freta
 Iustóque vindicávit exemplo imperi. 20
 Quid érgo possum fácere tibi, lectór Cato,
 Si néc fabellae té iuvant nec fábulae?
 Noli molestus ésse omnino litteris,
 Maiórem exhibeant né tibi moléstiam.
 Hoc illis dictum est, quí stultitia náuseant 25
 Et, út putentur sápere, caelum vítuperant.

7. Serpens ad fabrum ferrarium.

Mordáciozem qui inprobo dente ádpetit,
 Hoc árgumento sé describi séntiat.
 In officinam fáбри venit vípera.
 Haec cúm temptaret, síqua res esset sibi,
 Limám momordit. Illa contra cóntumax: 5
 Quid me, inquit, stulta, dénte captas laédere,
 Omne ádsüevi férrum quae conródere?

8. Vulpes et caper.

Homo símul ac venit in periculum cállidus,
 Reperíre effugium quaérit alteriús malo.
 Cum decídisset vúlpes in puteum ínsčia
 Et áltiore claúderetur márgine.
 Devénit hircus sítiens in eundém locum; 5
 Simúl rogavit, ésset an dulcís liquor
 Et cópius? Illa fraudem móliens:
 Descénde, amice; tánta bonitas ést aquae,
 Volúptas ut satiári non possit mea.
 Inmisit se barbátus. Tum vulpécula 10

Evásit puteo, níxa celsis córnibus.
Hircúmque clauso líquit haerentém vado.

9. De vítiis hominum.

Perás inposuit Iúppiter nobís duas :
Propriís repletam vítiis post tergúm dedit,
Aliénis ante péctus suspendit gravem.
Hac ré videre nóstra mala non póssumus ;
Alií simul delínquunt, censorés sumus.

5

10. Fur et lucerna.

Lucérnam fur accéndit ex ará Iovis
Ipsúmque compilávit ad lumén suum.
Onústus sacrilégio cum discéderet,
Repénte vocem sáncta misit Réligio :
Malórum quamvis ísta fuerint múnera
Mihíque invisá, ut nóñ offendar súbripi,
Tamén, sceleste, spírítu culpám lues,
Olm cum adscriptus vénerit poenaé dies.
Sed ne ignis noster fácinori praelúceat,
Per quém verendos éxcolit pietás deos,
Veto ésse tale lúminis commércium.
Itaque hódie nec lucérnam de flammá deum
Nec dé lucerna fás est accendí sacrum.
Quot rés contineat hóc argumentum útiles,
Non éxplicabit álius, quam qui répperit.
Significat primo saépe, quos ipse álueris,
Tibi inveniri máxime contrários ;
Secúndo ostendit scélera non irá deum,
Fatórum dicto séd puniri témpore ;
Novíssime interdicít, ne cum málefico
Vsúm bonus consóciét ulliús rei.

5

10

15

20

11. *Malas esse divitias.*

Opés invisae mérito sunt fortí viro,
 Quia díves arca vérám laudem intércipit.
 Caeló receptus própter virtutem Hércules
 Cum grátulantes pèrsalutassèt deos,
 Veniènte Pluto, qui Fortunae est filius,
 Avértit oculos. Caúsam quaesivít pater.
 Odi, inquit, illum, quía malis amicus est
 Simulque obiecto cúncta corrumpit lucro.

5

12. *De capris barbatis.*

Barbám capellae cum ínpetrassent áb Iove,
 Hircí maerentes indignari coéperunt,
 Quod dignitatem féminae aequassént suam.
 Sinite, inquit, illas glória vaná frui
 Et úsurpare véstri ornatum múnemis,
 Parés dum non sint véstrae fortitúdini.
 Hoc árgumentum mónet, ut sustineás tibi
 Habitu ésse similes, qui sint virtute ínpares.

5

13. *De fortunis hominum.*

Cum dé fortunis quídam quereretúr suis,
 Aesópus finxit cónsolandi grátia:
 Vexáta saevis návis tempestátibus,
 Intér vectorum lácrimas et mortís metum,
 Faciem ád serenam súbito ut mutatúr dies,
 Ferrí secundis túta coepit flátibus
 Nimiáque nautas hílaritate extóllere.
 Functús periclis túm gubernatór sophus:
 „Parcé gaudere opórtet et sensím queri.“ —
 Totam aéque vitam miscet dolor et gaúdium.

5

10

14. *Serpens. Misericordia nociva.*

Qui fert malis auxilium, post tempus dolet.
 Gelu rigentem quidam colubram sustulit
 Sinuque fovit contra se ipsum misericors;
 Namque ut refecta est, necuit hominem protinus.
 Hanc alia cum rogaret causam facinoris, 5
 Respondit: Nequis discat prodesse improbis.

15. *Vulpes et draco.*

Vulpes cubile fodiens, dum terram eruit
 Agitque plures altius cuniculos,
 Pervenit ad draconis speluncam intimam,
 Custodiebat qui thesauros abditos.
 Hunc simul aspexit: Oro, ut imprudentiae 5
 Des primum veniam; deinde si pulchre vides,
 Quam non conveniens aurum sit vitae meae,
 Respondeas clementer. Quem fructum capis
 Hoc ex labore, quodve tantum est praemium,
 Ut careas somno et aevum in tenebris exigas? 10
 Nullum, inquit ille; verum hoc a summo mihi
 Iove adtributum est. Ergo nec sumis tibi
 Nec ulli donas quicquam? Sic fati placet.
 Nolo irascaris, libere si dixeris:

Dis est iratis natus, qui est similis tibi. 15

Abiturus illuc, quo priores abierunt,
 Quid mente caeca miserum torques spiritum?
 Tibi dico, avare, gaudium heredis tui,
 Qui tunc superos, ipsum te fraudas cibo,
 Qui tristis audis musicum citharae sonum, 20
 Quem tibiarum macerat iucunditas
 Opsoniorum pretia cui gemitum exprimunt,
 Qui dum quadrantes aggeras patrimonio
 Caelum fatigas sordido periurio,

Qui circumcidis ómnem inpensam fúneri, 25
Libitína nequod dé tuo faciát lucrum.

16. Phaedrus.

Quid iúdicare cógitat livór modo?
Licét dissimulet, púlchre tamen intéllego:
Quicquíd putabit ésse dignum memória,
Aesópi dicet; sí quid minus adríserit,
A mé contendet fictum quovis pínore. 5
Quem vólo refelli iám nunc responsó meo:
Sive hóc ineptum síve laudandúm est opus,
Invénit ille, nóstra perfecit manus.
Sed éxsequamur coéptum proposito órdine.

17. De Simonide.

Homo dóctus in se sémper divitiás habet.
Simónides, qui scrípsit egregiúm melos,
Quo paúpertatem sústineret fácilius,
Circum íre coepit úrbes Asiae nóbiles,
Mercéde accepta laúdem victorúm canens. 5
Hoc génere quaestus póstquam locuples fáctus est,
Redíre in patriam vóluit cursu pélagio;
Erat autótem, ut aiunt, nátus in Cia ínsula:
Ascéndit navem, quám tempestas hórrida
Simul ét vetustas médio dissolvít mari. 10
Hi zónas, illi rés pretiosas cólligunt
Subsídium vitae. Quidam curiosior:
Simónide, tu ex ópibus nil sumís tuis?
Mecum, inquit, mea sunt cúncta. Tunc pauci énatant,
Quia plúres onere dégravati pérrierant. 15
Praedónes adsunt, rápiunt, quod quisque éxtulit,
Nudós relinquunt. Fórte Clazomenaé prope
Antíqua fuit urbs, quám petierunt naúfragi.
Hic litterarum quídam studio déditus,

Simónidis qui saepe versus légerat 20
 Erátque absentis ádmirator máximus,
 Sermóne ab ipso cógnitum cupidíssime
 Ad sé recepit; véste, nummis, fámilia
 Hominem éxornavit. Céteri tabulám suam
 Portánt rogantes víctum. Quos casu óbvios 25
 Simónides ut vídit: Dixi, inquit, mea
 Mecum ésse cuncta; vós quod rapuistís, perit.

18. Mons parturiens.

Mons párturibat, gémitus inmanés ciens,
 Erátque in terris máxima exspectátio.
 At ille murem péperit. Hoc scriptúm est tibi,
 Qui, mágna cum mináris, extricás nihil.

19. Formica et musca.

[Nil ágere quod non prósit, fabella ádmonet.]
 Formica et musca cóntendebant ácritér,
 Quae plúris esset. Músca sic coepit prior:
 Conférre nostris tú potes te laúdibus?
 Vbi ínmolatur, éxta praegustó, deum
 Moror ínter aras, témpla perlustro ómnia. 5
 In cápíte regis sédeo, cum visúm est mihi,
 Et mátronarum cásta delibo óscula.
 Labóro nihil, atque óptimis rebús fruor.
 Quid hórú simíle tibi contingit, rústica?
 Est glóriosus sáne convictús deum, 10
 Sed illi, qui invitátur, non qui invísus est.
 Reges commemoras ét matronarum óscula —
 Ego gránum in hiemem cúm studiose cóngero,
 Te circa murum pásci video stércore.
 Arás frequentas: némpe abigeris, cúm venis. 15
 Nihil laboras: ideo cum opus est, nil habes.
 Super étiam iactas, tégere quod debét pudor.

Aestáte me lacéssis; cum brumá est, siles.
 Morí contractam cúm te cogunt frígora,
 Me cópiosa récipit incolumém domus. 20
 Satis profecto réttudi supérbiam.

Fabélla talis hóminum discernít notas
 Eórum, qui se fálsis ornant laúdibus,
 Et quórum virtus éxhibet solidúm decus.

20. Poëta.

Quantúm valerent inter homines litterae,
 Dixí superius: quántus nunc illís honos
 A súperis sit tribútus, tradam mémoriae.
 Simónides idem ille, de quo réttuli,
 Victóri laudem cúdam pyctae ut scríberet, 5
 Certó condixit prétio; secretúm petit.
 Exigua cum frenáret materia ínpetum,
 Vstús poëtae móre est et licéntia
 Atque interposuit gémina Ledaе sídera,
 Auctóritatem símilis referens glóriæ. 10
 Opus ádprobavit; séd mercedis tértiam
 Accépit partem. Cúm relicuam pósceret:
 Illi, ínquit, reddent, quórum sunt laudís duæ.
 Verum, út ne irate té dimissum séntiant,
 Ad cénam mihi promítte; cognatós volo 15
 Hodie ínvitare, quórum es in numeró mihi.
 Fraudátus quamvis ét dolens iniúria,
 Ne mále dissimulans grátiam corrúmperet,
 Promísit. Rediit hóra dicta, récubuit.
 Splendébat hilare póculis convívium, 20
 Magno ádparatu laéta resonabát domus:
 Repénite duo cum iúvenes sparsi púlvere,
 Sudóre multo díffluentes, córpora
 Humánam supra fórmam, cuidam sérvolo
 Mandánt, ut ad se próvocet Simónidem; 25

Ipsius interesse, ne faciât moram.
 Homo p rturbatus  xcitat Sim nidem.
 Vn m promorat vix pedem triclinio,
 Ru na camar e s bito oppressit c teros;
 Nec  lli iuvenes s nt reperti ad i nuam. 30
 Vt  st vulgatus  rdo narrata  rei,
 Omn s scierunt n minum praes ntiam
 Vati dedisse vit m mercedis loco.

Po ta ad Particulonem.

Adh c supersunt m lta, quae possim loqui,
 Et c piosa abundat rerum v rietas;
 Sed t mperatae su ves sunt arg tiae,
 Imm dicae offendunt. Qu re, vir sanctissime,
 Part culo, chartis n men victur m meis, 5
 Latinis dum man bit pretium l tteris,
 Si n n ingenium, c rte brevitatem  dproba,
 Quae c mmendari t nto debet i stius,
 Quant  po tae s nt molesti v lidius.

[LIBER QVINTVS.]

Po ta.

Aes pi nomen sicubi interp suero,
 Cui r ddidi iam pr dem quicquid d bui,
 Auct ritatis  sse scito gr tia.
 Vt quidam artifices n stro faciunt sa culo,
 Qui pr tium operibus m ius inveni nt, novo 5
 Si m rmoni adscrips runt Praxitel n suo,
 Trit  Myronem arg nto, tabulae Zeuxidem.
 Ade  fucatae pl s vetustati favet
 Invidia mordax qu m bonis praes ntibus.
 Sed iam  d fabellam t lis exempli feror. 10

1. Demetrius rex et Menander poëta.

[Quomodo saepe fallatur hominum iudicium.]

Demétrius, qui dictus est Phaléreus,
 Athénas occupávit imperio inprobo.
 Vt mós est vulgi, pássim et certatim ruit
 „Feliciter!“ succelámans. Ipsi principes
 Illam ósculantur, quá sunt oppressí, manum, 5
 Tacité gementes tristem fortunaé vicem.
 Quin étiam resides ét sequentes ótium,
 Ni défuisse nóceat, repunt últimi;
 In quis Menander, nóbilis comoédiis,
 Quas ípsum ignorans légerat Demétrius 10
 Et ádmiratus fúerat ingeníum viri,
 Vnguénto delibútus, vestitú fluens,
 Veniébat gressu delicato et lánguido.
 Hunc úbi tyrannus vídit extremo ágmine:
 Quisnám cinaedus ille in conspectu meo 15
 Audét venire? Réponderunt próximi:
 Hic ést Menander scriptor. Mutatús statim:
 Homo, inquit, fieri nón potest formósior.

2. Duo milites et latro.

Duo cum incidissent in latronem milites,
 Vnús profugit, álter autem réstitit
 Et vindicavit sése forti délixtera.
 Latróne occiso tímíduS accurrít comes
 Stringítque gládium, deín reiecta paénula: 5
 Cedo, inquit, illum; íám curabo séntiat,
 Quos átemptarit. Túnc, qui depugnáverat:
 Vellem ístis verbis sáltem adiuvissés modo;
 Constántior fúissem vera exístimans.
 Nunc cónde ferrum et línguam pariter fútilem, 10
 Vt póssis alios ignorantes fállere.

Ego, qui sum expertus, quántis fugias víribus,
Scio, quám virtuti nón sit credendúm tuæ.

Illi ádsignari débet haec narrátio,
Qui ré secunda fórtis est, dubiá fugax. 15

3. Calvus et musca.

Calví momordit músca nudatúm caput;
Quam opprímere captans álapam sibi duxít gravem.

Tunc illa inridens: Púctum volucris párvulae
Voluísti morte ulcésci; quid faciés tibi,
Iniúriæ qui addíderis contuméliam? 5

Respóndit: Mecum fáçile redeo in grátiam,
Quia nón fuisse méntem laedendí scio.
Sed té, contempti géneris animal ínprobum,
Quæ délectaris bíbere humanum sánguinem,
Optém necare vél maiore incómmodo. 10

Hoc árgumentum dócet [ei] ueniám dari,
Qui cásu peccat, quia, qui consilió est nocens,
Illum ésse quavis dígnum poena iúdico.

4. Asinus et porcellus.

Quidam immolasset vérrem cum sancto Hérculi,
Cui pró salute vótum debebát sua,
Asélló iussit réliquias poni hórdei.

Quas áspersus ille sic locútus est:
Tuúm libenter prorsus adpeterém cibum, 5
Nisi, qui nutritus illo est, iugulatús foret.

Huiús respectu fábulæ detérritus
Perículosum sémper vitaví lucrum.
Sed dícis: Qui rapuére divitiás, hauent!
Numerémus agedum, qui deprensi périerunt. 10
Maiórem turbam púnitorum réperies.
Paucís temeritas ést bono, multís malo.

5. Scurra et rusticus.

Pravó favore lábi mortálés solent
 Et, praéiudicio dúm stant erroris sui,
 Ad paénitendum rébus manifestís agi.
 Factúrus ludos quídam dives nóbilis
 Propósito cunctos ínvitavit praémio, 5
 Quam quísqúe posset út novitatem osténderet.
 Venére artifices laúdis ad certámina,
 Quos ínter scurra, nótus urbanó sale,
 Habére dixit sé genus spectáculi,
 Quod ín theatro núnquam prolatúm foret. 10
 Dispérsus rumor civitatem cóncitat,
 Paulo ánte vacua túrbam deficiúnt loca.
 In scaéna vero póstquam solus cónstitit
 Sine ádparatu, núllys adiutóribus,
 Siléntium ipsa fécit exspectátio. 15
 Ille ín sinum repénite demisit caput
 Et sic porcelli vócem est imitatús sua,
 Verum út subesse pállio conténderent
 Et éxcuti iubérent. Quo factó simul
 Nil ést repertum, múltilis onerant laúdibus 20
 Hominémque plausu prósecuntur máximo.
 Hoc vídit fieri rústicus. Non mehércule
 Me vincet, ínquit, ét statim proféssus est
 Idém facturum mélius se postrídie.
 Fit túrba maior. Iám favor mentés tenet 25
 Et dérísurus, nón spectaturús silet.
 Vtérque prodit. Scúrra degrunnít prior
 Movétque plausus ét clamores súscitat.
 Tunc simulans sese véstimentis rústicus
 Porcéllum obtegere, (quód faciebat scilicet, 30
 Sed, ín priore quía nil compereránt, latens)
 Pervéllit aurem véro, quem celáverat,

Et cū dolore vócem naturae éxprimit.
 Adclámat populus scúrram multo símilis
 Imitátum et cogit rústicum trudi foras. 35
 At ille profert ípsum porcellum é sinu,
 Turpémque aperto pignore errorém probans:
 En, híc declarat, quáles sitis iúdice!

6. Calvus et quidam [aeque] pilis defectus.

Invénit calvus fórte in trivio péctinem.
 Accéssit alter, aéque defectús pilis.
 Heia! inquit, in commúne, quodcumque ést lucrí.
 Osténdit ille praédam et adiecit simul:
 Superúm voluntas favit; sed fato ínvido 5
 Carbónem, ut aiunt, pró thesauro invénimus.
 Quem spés delusit, huíc querella cónvenit.

7. Procax tibicen.

Vbi vánus animus aúra captus frívola
 Adrípuit insoléntem sibi fidúciam,
 Facile ád derisum stúlta levitas dúcitur.
 Princéps tibicen nótiór paulé fuit,
 Operám Bathyllo sólitus in scaená dare. 5
 Is fórte ludis — nón satis meminí quibus —
 Dum pégma rapitur, cóncidit casú gravi
 Necopinus et sinístram fregit tíbiam,
 Duás cum dextras máluisset pérdere.
 Intér manus sublátus et multúm gemens 10
 Domúm refertur. Áliquot menses tránseunt,
 Ad sánitatem dúm uehít curátio.
 Vt spéctatorum mós est, id lepidúm genus
 Desíderare coépit, cuius flátibus
 Solébat excitári saltantís vigor. 15
 Erát facturús lúdos quidam nóbilis
 Et incípiebat Princéps adducí rei.

Ingrédia se redúcit, ut tantúmmodo
 Ipsó ludorum osténderet sesé die.
 Qui simul advenit, rúmor de tibicine 20
 Fremit in theatro. Quidam adfirmant mórtuum,
 Quidam in conspectum próditum sine mora.
 Aulaéo misso, dévolutis tónitribus
 Di súnť locuti móre translaticio.
 Tunc chórus ignotum módo reducto cánticum 25
 Insónnit, cuius haéc fuit senténtia:
 „Laetáre incolumis, Róma, salvo Príncipe!“
 In plaúsus consurréctum est. Iactat básia
 Tibicen; gratulári fautorés putat.
 Equéster ordo stúltum errorem intélegit 30
 Magnóque risu cánticum repetí iubet.
 Iterátur illud. Hómo meus se in púlpito
 Totúm prosternit. Plaúdit inludéns eques.
 Rogáre populus hunc coronam exístimat.
 Vt véro cuneis nóťuit res ómnibus, 35
 Princéps ligato crúre nivea fáscia,
 Niveisque tunicis, niveis etiam cálceis,
 Supérbiens honóre divinaé domus,
 Ab úniversis cápite est protrusús foras.

8. Tempus.

Cursú voluci, péndens in novácula,
 Calvús, comosa frónte, nudo occípito,
 (Quem si óccuparis, téneas; elapsúm semel
 Non ipse possit Iúppiter repréndere,) 5
 Occasiónem rerum significát brevem.
 Efféctus impedíret ne segnis mora,
 Finxére antiqui tálem effigiem Témporis.

9. Taurus et vitulus.

Angústó in aditu taúrus luctans córnibus
 Cum víx intrare pósset ad praesépia,

Monstrábat vitulus, quó se pacto flécteret.
 Tace, inquit, ante hoc nóvi, quam tu nátus es.
 Qui dóctiorem eméndat, sibi dici putet.

5

10. Canis et sus et venator.

Advérsus omnes fórtis veloces feras
 Canis cum domino sémper fecissét satis,
 Languére coepit ánnis ingravántibus.
 Aliquándo obiectus hispídi pugnaé suis
 Adrípuít aurem: séd cariosis déntibus
 Praedám dimisit. Híc tunc venatór dolens
 Canem óbiurgabat. Cui senex contrá latrans
 Non té destituit ánimus, sed virés meae.
 Quod fúimus, lauda, sí iam damnas, quód sumus.
 Hoc cúr, Philete, scripserim, pulchré vides.

5

10

APPENDIX.

FABVLAE IAMBICAE VIX RECTE PHAEDRO ATTRIBVTAE.

1. Simius et vulpes.

[Avarum etiam quod sibi superest non libenter dare.]

Vulpém rogabat pártém caudae símius,
 Contégere honeste pósset ut nudás nates;
 Cui sic maligna: Lóngior fiát licet,
 Tamen illam citius pér lutum et spinás traham,
 Tibi quam partem quámvis parvam impértiar.

5

[De iis, qui legunt libellum.]

Hoc quálecumque est, Músa quod ludít mea,
 Nequítia pariter laúdat et frugálitás,
 Sed haéc simpliciter; illa tacite iráscitur.

2. Auctor.

[Non esse plus aequo petendum.]

Arbitrio si natúra finxissét meo
 Genús mortale, lónge foret instrúctius:
 Nam cúcta nobis átribuisset cómoda,
 Quae cuique indulgens Fórtuna animali dedit:
 Elephánti vires, ét leonis ímpetum, 5
 Cornícis aevum, duritiám tauri trucidis,
 Equi velocis plácidam mansuetúdinem,
 Et adésset homini súa tamen sollértia.
 Nímírum in caelo sécum ridet Iúppiter,
 Magno haéc consilio qui negavit hóminibus, 10
 Ne scéptrum mundi ráperet nostra audácia.
 Ergó contenti múnere invicti Iovis
 Fatális annos decurramus témporis,
 Nec plús conemur, quám sinit mortálitás.

3. Prometheus et dolus.

[De veritate et mendacio.]

Olím Prometheus saéculi figulús novi
 Curá subtili Véritatem fécerat,
 Vt iúra posset inter homines réddere.
 Subito áccersitus núntio magni Iovis
 Comméndat officinam fallaci Dolo, 5
 In disciplinam núper quem recéperat.
 Hic stúdio accensus, fácie simulacrúm pari,
 Vná statura, símile et membris ómnibus,
 Dum témpus habuit, cállida finxit manu.
 Quod própe iam totum mire cum positúm foret, 10
 Lutum ád faciendos illi defecit pedes.
 Redít magister, quó festinantér Dolus
 Metú turbatus in suo sedít loco.
 Miráns Prometheus tántam similitúdinem,
 Propriáe videri vóluit artis glóriam. 15

Igitúr fôrñaci pâriter duo signa întulit;
 Quibûs percoctis átque infuso spîritu,
 Modêsto gressu sáncta incessit Vêritas;
 At trúnca species haésit in vestigio.
 Tunc falsa imago atque óperis furtiví labor 20
 Mendácium adpellátum est; quod negántibus
 Pedés habere fáçile ipse [ego] conséntio.

Simuláta interdum vítia prosunt hóminibus,
 Sed témpore ipso támen apparet véritas.

4. Auctor.

[Sensum aestimandum esse, non verba.]

Ixíon quod versári narratúr rota,
 Volúbilem Fortúnam iactari docet.
 Advêrsus altos Sísyphus montés agit
 Saxúm labore súmmo, quod de vértice,
 Sudóre semper irrito revólvitur; 5
 Osténdit [esse] síne fine hominum míserias.
 Quod stáns in amne Tántalus medió sitit,
 Avári describúntur, quos circúmfluit
 Vsús bonorum, séd nil possunt tángere.
 Vrnís scelestae Dánaides portánt aquas, 10
 Pertúsa nec complére possunt dólia;
 Imó luxuriae quícquid dederis, pérfluet.
 Novém porrectus Títyos est per iúgera,
 Tristí renatum súggerens poenae iecur:
 Quo quís maiorem póssidet terraé locum, 15
 Hoc démonstratur cúra graviore ádfici.
 Consúlto involvit véritatem antíquitas,
 Vt sápiens intellégeret, errarét rudis.

5. Auctor.

Ius útile nobis quód sit dic, Phoebe, óbsecro,
 Qui Délphos et famósum Parnasum incolis,

Quo dé sacratae vátis horrescúnt comae,
 Tripodés moventur, múgit adytis Réligio,
 Tremúntque lauri et ipse pallescít dies. 5
 Vocés resolvit ícta Pytho númine:
 Audite gentes Délii monitús dei:
 Pietátem colite, vóta superis réddite,
 Patriám, parentes, nátos, castas cóniuges
 Deféndite armis férroque hostem péllite! 10
 Amícos subleváte, miseris párcite,
 Bonís favete, súbdolis ite óbviám!
 Delicta vindicáte, stigmaté ínpíos,
 Puníte turpi thálamos qui violánt stupro,
 Malós cavete, núlli nimium créдите! 15
 Haec élocuta cóncidit virgó furens:
 Furéns profecto; námque dixit pérditis.

6. Aesopus et scriptor.

[De malo scriptore se laudante.]

Aesópo quidam scripta recitarát mala,
 In quís inepte múltum se iactáverat.
 Scire érgo cupiens quídnám sentirét senex,
 Numquíd tibi, inquit, vísus sum supérbior?
 Haud vána nobis íngeni fidúcia est. 5
 Conféctus ille péssimo volúmine:
 Ego, inquit, quod te laúdas vehementér probó,
 Namque hóc ab alio núnquam continget tibi.

7. Pompeius Magnus et eius miles.

[Quam difficile sit hominem nosse.]

Magní Pompei míles vasti córporis
 Fracté loquendo et ámbulando mólliter
 Famám cinaedi tráxerat certíssimam.
 Hic insidiatus nócte iumentís ducis,
 Cum véste et auro et mágno argenti póndere 5

Avértit mulos. Fáctum rumor díssipat;
 Argúitur miles, rápíur in praetórium,
 Tum Mágus: Quid? ait, túne me, commíto,
 Spoliáre es ausus? Ílle continuo éxscreat
 Sibi in sinistram et spútum digitis díssipat. 10
 Sic, ímperator, óculi exstillescánt mei,
 Si vídi aut tetigi. Túm vir animi símplicis
 Id dédecus castrórum propellí iubet,
 Nec cádere in illum crédito tantam audáciam.
 Breve témpus intercéssit, et fidéns manu 15
 Vnum é Romanis próvocabat bárbarus.
 Sibi quisque metuit; prími quin mussánt duces.
 Tandém cinaedus hábitu, sed Mars viríbus,
 Adít sedentem pró tribunálí ducem,
 Et vóce molli: Licet enim? Verum éici 20
 Virum ut in re atroci Mágus stomachans ímperat.
 Tum quídam senior éx amicis princípis:
 Hunc égo committi sátius fortunae árbitror,
 In quo iactura lévis est, quam fortém virum,
 Qui casu victus témeritatis te árguat. 25
 Assénsit Mágus ét permisit míliti
 Prodíre contra; qui mirante exércitu,
 Dictó celerius hóstis abscidít caput
 Victórque rediit. Hís tunc Pompeiús super:
 Coróna, miles, équidem te donó libens, 30
 Quod víndicasti laúdem Romani ímperi;
 Sed éxstillescant óculi sic, inquit, mei,
 Turpe illud imitans íúsiurandum mílitis,
 Nisi tu ábstulisti sárcinas nupér meas.

8. Pater familias et Aesopus.

[Quomodo domanda sit ferox iuventus.]

Patér familias saévum habebat fílium.

Hic é conspectu cúm patris recésserat,

Verbéribus servos ádficiebat plúrimis
 Et éxercebat férvídam adulescéntiam.
 Aesópús ergo nárrat hoc brevitér seni: 5
 Quidám iuvenco vétulum adiungebát bovem.
 Is cúm refugiens ínpari colló iugum
 Aetátis excusáret vires lánguidas:
 Non ést, quod timeas, ínquit illi rústicus;
 Non út labores fácio, sed ut istúm domes, 10
 Qui cálce et cornu múlto reddit débiles.
 Et tú, nisi istum técum assidue détines
 Feróxque ingenium cómprimis eleméntia,
 Vide, né querella máior accrescát domus.
 Atrócitati mánsuetudo est rémedium. 15

9. Aesopus et victor gymnicius.

[Quomodo comprimatur aliquando iactantia.]

Victórem forte gýmnici certáminis
 Iactántiorem cúm vidisset †Aesopus
 Intérrogavit, án plus adversárius
 Valuísset eius? Ílle: Ne istud díxeris;
 Multó fuere vires maiorés meae. 5
 Quod, ínquit, ergo, stúlte, meruísti decus,
 Minús valentem sí vicisti fórtior?
 Feréndus esses, fórté si te dicéres
 Superásse, qui fuísset melior víribus.

10. Asinus ad lyram.

[Quomodo ingenia saepe calamitate intercitant.]

Asínus iacentem vidit in prató lyram.
 Accéssit et temptávit chordas úngula;
 Sonuére tactae. Bélla res, sed mehércules
 Male céssit, ínquit, ártis quia sum néscius.
 Si répperisset áliquis hanc prudéntior, 5
 Divínis aures óblectasset cántibus.
 Sic saépe ingenia calamitate intercitant.

11. Gallus lectica a felibus vectus.

[Nimiam securitatem saepe in periculum homines ducere.]

Felés habebat gállus lecticários.

Hunc glóriose vúlpes ut vidít vehi,

Sic ést locuta: Móneo, praecaveás dolum;

Istórum vultus námque si consíderas,

Praedám portare iúdice, non sárcinam.

5

Postquam ésurire sócietas coepít fera

Discérpsit dominum et fécit partes fácinoris.

12. Scrofa parturiens et lupo.

[Faciendum prius de homine periculum, quam eius te committas fidei.]

Preménte partu scrófa cum gemerét iacens,

Accúrrit lupo et óbstetricis pártibus

Se pósse fungi díxit, promitténs opem.

Quae véro nosset péctoris fraudem ínprobi,

Suspéctum officium répudiavit málefici

5

Et: Sátis est, inquit, sí recedes lóngius.

Quodsi perfidia sé commisissét lupi

Inpar dolori, fata compléssét sua.

13. Aesopus et servus profugus.

[Non esse malo addendum malum.]

Servús profugiens dóminum naturae áspærae

Aesópo occurrit nótus e vicínia.

Quid tú confusus? Dícam tibi claré, pater,

Hoc námque es dignus áppellari nómine,

Tutó querella quía apud te depónitur.

5

Plagaé supersunt, désunt mihi cibária;

Subinde ad villam mittor sine viático.

Domí si cenat, tóti persto nóctibus,

Si estúm uocatus, iáceo ad lucem in sémita.
 Emérui libertátem, canus sérvio. 10
 Ullius essem cúlpaē mihi si cónscius,
 Aequo ánimo ferrem: númquam sum factús satur
 Et súper infelix saévum patior dóminium.
 Has própter causas ét quas longum est pro [loqui]
 Abire destinávi, quo tulerint pedes. 15
 Ergo, inquit, audi: cúm mali nil féceris,
 Haec éxperiris, út refers, incómoda:
 Quid si peccaris? quae te passurúm putas?
 Talí consilio est á fuga detérritus.

14. Equus quadrigalis in pistrinum venundatus.

[Ferendum esse aequo animo, quicquid acciderit.]

Equum á quadriga múltis palmis nóbilem
 Abégit quidam et in pistrinum véndidit.
 Prodúctus ad bibéndum cum foret á molis,
 In círcum aequales íre conspexit suos,
 Vt gráta ludis ródderent certámina. 5
 Lacrimís obortis: Íte felicés, ait,
 Celebráte sine me cúrso sollemném diem;
 Ego quó scelestá fúris abstraxít manus,
 Ibi sórte trísti fáta deflebó mea.

15. Vrsus esuriens.

[Famem acuere animantibus ingenium.]

Siquándo in silvis úrso desunt cópiae,¹
 Scopulósum ad litus cúrrit et prendéns petram
 Pilósa crura sénsim demittit vado;
 Quorum ínter villos haéserunt cancrí simul, 5
 In térram abripiens éxcutit praedám maris
 Escáque fruitur pássim collectá vafer.

Ergo étiam stultis ácuit ingeniúm fames.

16. Viator et corvus.

[Verbis saepenumero homines decipi solere.]

Quidám per agros dévium carpéns iter
„Ave“ éxaudivit ét moratus paúlulum,
Adésse ut vidit néminem, cepít gradum.
Iterúm salutat ídem ex occultó sonus.
Voce hóspitali cónfirmatus réstitit, 5
Vt, quískuís esset, pár officium réci-peret.
Cum circumspectans horrore haesissét diu
Et pérdidisset témpus aliquot mílium,
Osténdit sese córvus et supérvolans
„Ave“ úsque ingessit. Túm se lusum intéllegens: 10
At mále tibi sit, ínquit, ales péssime,
Qui féstinantis síc detinuísti pedes.

17. Pastor et capella.

[Nil tam occultum esse, quod non reveletur.]

Pastór capellae córnu baculo frégerat:
Rogáre coepit, né se domino próderet.
Quamvís indigne laésa, reticebó tamen;
Sed rés clamabit ípsa, quid deliqueris.

18. Serpens et lacerta.

[Ubi leonis pellis deficit, vulpinam induendam esse,
hoc est: ubi deficiunt vires, astu utendum.]

Serpéns lacertam fórté adversam prénderat;
Quam dévorare pátula cum vellét gula,
Arrípuít illa própe iacentem súrculum,
Et pértinaci mórsu transversúm tenens,
Avidúm sollerti ríctum frenavít mora. 5
Praedám dimisit óre serpens írritam.

19. Cornix et ovis.

[Multos lacessere debiles et cedere fortibus.]

Odiósa cornix súper ovem conséderat;
 Quam dórso cum tulisset invita ét diu:
 Hoc, inquit, si dentáto fecissés cani,
 Poenás dedisses. Ílla contra péssima:
 Despício inermes, éadem cedo fórtibus; 5
 Scio, quém lacessam, cti dolosa blándiar;
 Ideó senectam mille in annos prórogo.

20. Lepus et bubulcus.

[Multos verbis blandos esse, pectore infideles.]

Celerí cum fugeret péde venatorém lepus
 Et á bubulco vísus veprem inréperet:
 Per súperos oro pérque spes omnés tuas,
 Ne me índices, bubúlce; nihil umquám mali
 Huic ágro feci. Et rústicus: Ne tímueris; 5
 Laté securus. Iámque venatór sequens:
 Quaesó, bubulce, númquid huc venit lepus?
 Venít, sed abiit hác ad laevam; et déteram
 Demónstrat nutu pártém. Venatór citus
 Non intellexit séque e conspectu ábstulit. 10
 Tunc síc bubulcus: Écquid est gratúm tibi,
 Quod té celavi? Línguae prorsus nón nego
 Habére atque agere máximas me grátias;
 Verum óculis ut privéris opto pérfidis.

21. Papilio et vespa.

[Non praeteritam sed praesentem aspiciendam esse fortunam.]

Papílio vespam praévolantem viderat.
 O sórtem iniquam! dúm vivebant córpora,
 Quorum éx reliquiis ánimam nos accépimus,
 Ego éloquens in páce, fórtis proeliis,

Arte ómni princeps ínter aequalés fui. 5
 En, cúncta levitas pútris, et volitó cinis!
 Tu quí fuisti múlus clitellárius,
 Quemcúmque visum est laédis infixó áculeo.
 At vespa dignam móribus vocem édedit:
 Non quí fuerimus, séd qui nunc simús, vide. 10

22. Terraneola et vulpes.

[Pravis non esse fidem adhibendam.]

Avis, quam dicunt térraneolam rústici,
 In térra nidum quíá componit scilicet,
 Forte óccurrit ínprobæ vulpéculae;
 Qua vísa pennis áltius se sústulit.
 Salve, ínquit illa, cúr me fugisti, óbsecro? 5
 Quasi nóń abunde sít mihi in prató cibus,
 Grillí, scarabaei, locustarum cópia:
 Nihil ést, quod metuas, égo te multum díligo
 Proptér quietos móres et vitám probam.
 Respóndit contra: Tú quidem bene praédicas; 10
 In cámpo non sum, séd sub dío, pár tibi.
 Quin séquere; tibi salútem committó meam.

INDEX.

- | | |
|--|--|
| <p> Aesopus ad quendam de successu inproborum II 2
 Aesopus et petulans III 4
 Aesopus et scriptor App. 6
 Aesopus et servus profugus App. 13
 Aesopus et victor gymnicus App. 9
 Aesopus respondet garrulo III 15
 Anus ad amphoram III 1
 Apes et fuci vespa iudice III 10
 Aquila et cornix II 5
 Aquila, feles et aper II 3
 Arborea in deorum tutela III 13
 Asinus ad lyram App. 10
 Asinus ad senem pastorem I 15
 Asinus et Galli IV 1
 Asinus et leo venantes I 11
 Asinus et porcellus V 4
 Auctor II init., II fin., App. 2, 4, 5

 Calvus et musca V 3
 Calvus et quidam [aeque] pilis defectus V 6
 Canes et corcodili I 24
 Canes famelici I 19
 Caus et sus et venator V 10
 Canis et thesaurus et vulturius I 26
 Canis fidelis I 22 </p> | <p> Canis parturiens I 18
 Canis per fluvium carnem ferens I 4
 De capris barbatis IV 12
 Cervus ad boves II 7
 Cervus ad fontem I 12
 Cicada et noctua III 12
 Cornix et ovis App. 19

 Demetrius rex et Menander poeta V 1

 Equus et aper IV 4
 Equus quadrigalis in pistrinum venundatus App. 14

 Formica et musca IV 19
 De fortunis hominum IV 13
 Fur et lucerna IV 10

 Gallus lectica a felibus vectus App. 11
 Graculus superbus et pavo I 3
 Iuvenus, leo et praedator II 1

 Lanius et simius III 3
 Leo senex, aper, taurus et asinus I 20
 Lepus et bubulcus App. 20
 Lupus ad canem III 6
 Lupus et agnus I 1
 Lupus et gruis I 8
 Lupus et vulpes iudice simio I 10
 De lusu et severitate III 11 </p> |
|--|--|

Malas esse divitias IV 11
 Duo milites et latro V 2
 Milvus et columbae I 29
 Mons parturiens IV 18
 Muli duo et sectores II 6
 Musca et mula III 5
 Mustela et homo I 21

 Ovis, canis et lupus I 17
 Ovis, cervus et lupus I 16

 Panthera et pastores III 2
 Papilio et vespa App. 21
 Passer ad leporem consiliator I 9
 Pastor et capella App. 17
 Pater familias et Aesopus App. 8
 Pavo ad Iunonem de voce sua
 III 14
 Phaedrus IV 6, 16
 Phaedrus ad Eutychem III
 init.
 Poëta III 10. III. fin. IV 2, 5,
 20, V init.
 Poëta ad Particulonem IV init.
 IV. fin.
 Pompeius Magnus et eius miles
 App. 7
 Procax tibicen V 7
 Prologus I init.
 Prometheus et Dolus App. 3
 Pugna murium et mustelarum
 IV 5
 Pullus ad margaritam III 9


 Rana rupta et bos I 23
 Ranae ad solem I 6

Ranae metuentes taurorum proe-
 lia I 28
 Ranae regem petierunt I 2

 Scrofa parturiens et lupus App.
 12
 Scurra et rusticus V 5
 Serpens ad fabrum ferrarium
 IV 7
 Serpens et lacerta App. 18
 Serpens, misericordia nociva IV
 14
 Simius et vulpes App. I
 De Simonide IV 17
 Socrates ad amicos III 8
 Soror et frater III 7
 Ex sutore medicus I 14

 Taurus et vitulus V 9
 Tempus V 8
 Terraneola et vulpes App. 22
 Tiberius Caesar ad atriensem
 II 4

 Vacca et capella, ovis et leo
 I 5
 Viator et corvus App. 16
 De vitiliis hominum IV 9
 Vrsus esuriens App. 15
 De vulpe et uva IV 3
 Vulpes ad personam tragicam I 7
 Vulpes et aquila I 27
 Vulpes et caper IV 8
 Vulpes et ciconia I 25
 Vulpes et corvus I 13
 Vulpes et draco IV 15



DUE NOV 27 1920

~~ALL SER 10 41~~

Lp 20.270

Fabulae Aesopiae.

Widener Library

006500305



3 2044 085 218 733